



宋朝天詔令集卷第二百二

政事五十五

刑法下

不許楊守珍等乞陵遲合死強盜詔

大中祥符八年九月己未

法所以禁姦暴明重輕苟增峻於常科實滋彰於政典朕每覽載籍
詳思令猷漢文帝因緹縈而廢刑唐太宗讀明堂而減罪惟刑之恤
在邦必聞豈於安平之時而行慘毒之事也今楊守珍等捉到賊盜
內累曾為惡者送所屬州府照證指實奏裁自餘並送所屬依法論
決

令諸路轉運曉諭府州軍監長吏盡公獄訟其情理可矜許

奏裁詔

大中祥符九年八月癸巳

王者法天討以制常刑類震曜而為威獄蓋所以網羅非僻扶衛善

良致於和平殿之仁壽而寰海至廣民物寔繁郡縣之官雖擇循良
之吏控抃之職恐懼苛酷之辜倘聽斷之匪明則冤誣而昌告感傷
所致早曠或然尚念守土之人頒條是寄如能遵春秋慈惠之旨休
詩人愷悌之恩保撫蒸黎旁清獄訟審其五聽察彼兩辭或可折以
片言使無幽繫之弊或即從其上讞俾分枉直之端所冀吾民被茲
中興宜令諸路轉運曉諭州府軍監長吏等凡有獄訟必須盡公審
察務於平允其大辟罪如情輕可憫及理有所疑並許奏裁以副欽
恤以禁毒暴四重禁常科實錄傳其刑罰
令犯銅鑰石私酒麴免極刑詔天禧三年十一月乙卯

山澤所產飲食是資趣利者多冒禁斯衆寘於大辟良可憫嗟比或
犯于有司亦嘗從於未減然念區域至廣道塗且遠往復之間稽緩
茲甚特申寬典式表好生自今犯銅鑰石私酒麴等並免極刑

今劫殺等死罪十二月權住區斷詔天禧四年五月丙寅

防邪禁暴則有憲章因事制宜務存欽恤朕君臨八表子視群氓戒
丹筆之申嚴去秋荼之峻密精擇官吏外司讞詳一日萬幾克勤於
聽斷三覆五奏庶辨於隱微頗息繁文漸符恥格而措紳之列援古
上言以眇躬誕育之辰乃陽律助生之月異遵時令稍貸嚴科爰詢
造膝之謀寔契納隍之慮式忝前訓特緩重刑再念青陸乘春朱明
肇夏協二儀之茂毓當萬物之蕃茲或負釁之可矜亦從寬而為宥
俾申奏議用達予聞期於允中遠廣元化自今天下犯十惡劫殺謀
殺故殺鬥殺放火強盜劫賊官典正枉法賍偽造符印厭魅呪詛造
妖書言夜聚明散傳授妖術合造毒藥禁軍逃亡諸為盜罪至死者
每遇十二月權住區斷迺正月天慶節依舊行刑自餘雜犯罪至死
者十二月內及春夏逐處未得斷遣依舊禁錮速具案奏裁

今糾察刑獄提轉及州縣長吏凡勘斷公事並須躬親閱實

詔 乾興元年十一月戊寅

朕纂承先烈撫御群方所期華夏之民共躋仁壽之域載惟刑訟實繁慘舒眷乃案察之官逮失守宰之任與民至近維獄是矜勿致冤誣以孤任使宜令糾察在京刑獄并諸路轉運使副提點刑獄及州縣長吏凡勘斷公事並須躬親閱實無令枉濫及有淹延

大辟情理可憫及刑名疑慮許具案以聞詔 天聖四年五月壬午

國家慎擇循良勤恤黎庶必期無訟以洽至人而生齒之繁犯者願眾未底于治朕甚憫焉况復大辟之科情有輕重特從上諭式表哀矜應天下大辟情理可憫及刑名疑慮者並許具案以聞有司毋得舉駁

誠獄吏詔 天聖九年四月戊寅

國家明慎庶獄撫養群黎囹圄之間必須閱實拙楚之下尤貴得情隴州官吏孫濟等誅陷未辜阻傷和氣且人命至重朝憲具存倘援寬大之恩曷謝沉寃之痛並從嚴遣式戒慢官應天下親民掌獄之官自今各務究獄訟而審行之苟致冤濫必罰無赦

定強盜刑詔 景祐二年壬子朔

朕紹撫邦圖深惟治本言念蒼黔之衆罔知教化之方因衣食之靡克致寇攘之茲起陷於重辟良用憮然溯覽前編具存中典遭五代之澆季爰抵深文洎累聖之治熙漸從末減欲驅民於仁壽特著令於寬平庶復律章式重人命自今強寇不持仗不得財徒二年每千加一等十千及傷人者絞持仗不得財流三千里滿千及持仗罪不致死並論如流配傷人者斬仍不分首從不持仗滿千及持仗罪不致死並論如流配千里外牢城

律外條貫別定贖法詔 慶曆三年九月癸巳

先王用法簡約使人知禁而易從後代設茶鹽酒稅之禁奪民厚利用刑滋章今之編勅皆出于律外又數更改官吏且不能曉百姓固未嘗聞之若有一犯而徒流相繼身體髮膚以之毀傷父母妻子以之離散情雖可哀法不可贖豈禮^樂之化未行而專用刑罰之弊也歟孔子曰禮樂不興則刑罰不中刑罰不中則民無所措手足此之謂矣漢文帝使天下之人入粟於邊以受爵免罪而幾于刑措其後京師之錢累百鉅萬太倉之粟陳陳相因其令御史臺審刑院大理寺并編勅所同議律外條貫或細民難知或人情不免或冒利犯禁或奢後違令或過誤可憫之類別定贖法鄉人以穀麥市人以錢帛使民重穀帛免刑罰則農桑自勸富壽可期縻爾輔臣咸體予意

賜諸道恤刑詔

朕欲使民知禮義以遠罪而患乎勸戒之未明蠢茲群愚猶冒常憲顧此溽暑憫然拘繫卿等夙以敏材外分憂寄惟刑之恤當体於朕心舉政以時免思於汝職務從輕慎庸副哀矜

賜四京及諸路恤刑詔 二道

勅某朕若古御圖本天布化永念編氓之衆靡勝罹罪之蕃屬炎鬱之正典在條繫之良苦將導盛陽之德尚虞庶獄之苛稽用舊章特頒矜詔故茲詔示想宜知悉

又

勅某獄者人命之至重也故刑罰不中則民無所措手足方盛夏長養之時有司其蠲煩獄出輕繫以奉順天時夫以苛為察以刻為明豈稱所以哀矜之意哉故茲詔示想宜知悉

州縣獄罪人死具為令詔

獄者民命之所繫也。比聞有司歲考天下之奏而瘦死者多，深惟獄吏與犯法者旁緣為姦，檢視不明，使吾元元橫罹其害，書不云乎？與其殺不辜，寧失不經，其具為令，應諸州軍府軍廵司理院所禁罪人。一歲在獄病死及二人者，推司獄子杖六十，每增一人加一等罪。止杖一百，如五縣已上歲死三人，開封府司軍廵歲死七人，如死二人法加亦如之。典獄之官如推獄經兩犯即坐，而仍從違制大縣一二萬戶已上，依五縣已上州法提刑歲終會死者數以聞，中書檢察或死者過多，官吏雖已刑罰當更黜責。

不得留獄詔

熙寧三年三月乙卯

盛夏之月，南方化育之時，民愚無知，或抵罪戾，有司係繫不法，豈朕所以布德恤刑，輔相天地長養之意歟？申告巡遐，毋有留獄。

恤刑詔

元祐八年四月癸丑

方夏暑時，動植之類皆以遂其長養，而吾民觸禁抵法，繫縲囹圄，其深文之吏或不能體朕欽恤之意，因循延蔓，久不為決，以干陰陽之和，非細故也。其詔天下官司之長，敬若時令，哀矜庶獄，以丕應朕志。

監司分詣所部決獄御筆

大觀元年八月七日

京師犴獄屢空，四方郡縣吏或以微文細故，寢摠追逮，久繫不決，甚非欽恤之意。可令監司分詣所部，慮囚決獄，其或淹延不治，留禁無辜，即劾按以聞。庶幾囹圄之空，遍及天下。

置杖不如法決罰過多許越訴御筆

政和三年十月十一日

五刑之屬，笞為輕，蓋罪有輕重，而刑有等差。前者是正笞刑，以懲輕罪，置杖有廣狹之制，行決有多寡之數。比聞官司輒紊常憲，置杖不如法決罰，多過數傷肌膚，害欽恤之政，朕甚閔之。輒違前令者許赴尚書省越訴，以違御筆論行杖人同若被決人不訴與同罪。

遵守法重情輕上請法御筆手詔 政和六年二月二十八日

民以罪麗法情有輕重則法有增損故開封大理舊立情重法輕情輕法重取旨之文前批有司惟以情重法輕上請加罪而未聞以法重情輕取旨寬貸則是樂加人以罪而無內恕及人之心非所以愛民也或辟或有惟違厥中一夫不獲時予之辜前者有司謬誤非法之意自今可令遵守舊法輒循前批者以違制罪論

除徒三年杖一百外立到杖數 政和八年四月十一日

朕稽先王惟刑之恤審克厥中在宥天下爰自肉刑廢而為杖笞杖笞改而為小折大以迄于今未之能改世治亂不同則刑重輕亦異今天下承平日久囹圄數空常緩刑省罰而折杖之數多寡不倫民抵憲禁傷肌膚朕為之惻然夫朴作教刑朕以先王所以教者約其數以善天下使民遷善遠罪期於無刑閔仁元元至矣除徒三年杖

一百外可依下項

- 徒二年半杖九十可十七下
- 徒二年杖八十可十五下
- 徒一年半杖七十可十三下
- 徒一年杖六十可十二下
- 笞五十可十下
- 笞四十可八下
- 笞三十可七下
- 笞二十可六下
- 笞十可五下

宋朝大詔令集卷第二百二

宋朝大詔令集卷第二百一

政事五十六

貶責一

削奪李筠官爵令諸道會兵進討建隆元年五月甲辰

周文聖德尚代於宗侯漢祖神功亦征於英布不有戎臣之叛亂曷彰王業之艱難其有素蓄姦謀不知天命將定一戎之略須興九伐之兵誕告六師其陳名罪昭義軍節度使檢校太師中書令李筠出于賤隸列在公侯長興中事秦王從榮不能死難天福未隨燕王延壽始務自全既僥倖於亂離每包藏於詭譎昔周祖在位已萌不軌之心世宗臨朝益露無君之狀朕以天人合慶麻數在躬心同事於前朝每曲形於厚禮推赤心而示信指白水以申盟而不體明誠自懷反側窺觐神器干犯天常因辱使臣虔劉民吏結劉筠於并壘害

張福於高平竊弄干戈謀犯京闕罔順兩階之舞爰興六月之征止
罪渠魁無治逼脅宜削奪李筠在身官爵令諸道會兵進討戮茲大
憝弔我疲民况上黨成師黎成舊俗素推効順必自改圖苟去危以
就安即轉禍而為福立功名於當世保富貴以終身勿懷速復之凶
自取復亡之咎凡爾士庶當體朕心

削奪李重進官制

建隆元年九月癸亥

黃軒御極常行中興之誅虞舜登庸先正四凶之罪庇民靖亂何莫
由斯朕武定寰區化孚中夏念勝殘而去殺思先德而後刑矧復動
武庫之戈矛役齊民而飛輓若非干紀寧欲加兵暴厥罪於市朝盖
非獲已告渠魁於廟社與衆棄之推誠奉義翊戴功臣新授平盧軍
節慶淄青等州觀察處置押新羅渤海兩番等使開府儀同三司檢
校太師兼中書令持節青州諸軍事青州刺史上柱國隴西郡間國

公食邑三千七百戶食實封八百戶李重進位列公侯權分藩翰自
皇家之啓運包異志以無君朕法天以無私與物更始推大恩而含垢
聽改過以自新以至錫金券以伸盟指元穹而示信俾移大鎮用保
永圖而敢固守孤城拒違王命屠戮將校逼脅軍民殘魂假息以興
妖隣境飛章而告變天兵無敵孰當霜雪之鋒兇黨幾何勞我雷霆
之怒致茲人之負義願涼德以多慙宜正簡書用彰罪惡李重進在
身官爵並宜削奪

責李懷節詔

建隆二年三月乙卯

右神武將軍李懷節罷歸朝闕方在道塗屬部曲之間有竊攘之事
曾無上奏擅舉任刑既紊彝章難寬常典尚全大體俾列通班宜自
省躬勿貽後悔可責授左內率府率

削奪孫行友官制

建隆二年八月己酉

分茅胙土在倚注以誠深左道亂常正典刑而難赦定州節度使同中書門下平章事孫行友素無勲伐久玷蕃宣習乃凡誕詭之謀事妓尼朽腐之骨依憑山藪收召道逃幸遇世之亂離竊一州之屏翰朕肇膺寶曆務恤黎元曲推含垢之恩不改殿邦之寄而敢回邪成性狡獪多端屢上封章偽作歸山之計潛修兵甲頗彰叛國之心既追赴於闕廷合戮之於朝示尚念常居將相久擁節旄伴屈法以申恩示好生而惡殺宜削奪在身官爵勒歸私第

責高錫詔

將仕郎尚書屯田員外郎知制誥賜緋魚袋高錫位處掖垣職司誥命所宜畏慎以保寵光而乃發書薦僧妄求於思澤將命出使固願於憲章道途非理以責人藩鎮無名而受賂固當遠竄以肅周行尚念嘗代吾言特從屈法點居上佐非謂無愆可責授萊州司馬御史

臺差人監送至貶所

責馮瓚等詔

乾德四年八月庚戌

朕以三川流俗適彼皇風務擇郡才徃資共理既撫綏於疲瘵合遵守於詔條樞密直學士諫議大夫馮瓚綾錦副使李美殿中侍御史李檝等同委大藩載踰周歲報政無狀贖貨有聞既屬吏以伏辜在常刑而不赦但以早參侍從嘗列軒墀特示矜容止從投竄朕失於任用良切愧懷凡在搢紳當體恭意宜並追奪在身官爵瓚流沙門島美配海門島所在馳驛發遣縱逢恩赦不在放還李檝除名仍毀在身官誥劉整等已從別勅處分

議王今斌等罪詔

乾德五年正月壬子

王今斌等出總偏即遠征全蜀銳旅才臨於劍外降書已至於軍前朕念其伏罪畏威祈哀請命尋頒詔旨務在撫綏應孟昶宗親及偽

命官吏諸事將士一境生民並令安存不得驚擾而全斌等違吾約東侮乃憲章專殺降兵擅開官庫豪奪婦女廣納貨財斂萬民之怨嗟致群盜之充斥以至再勞徵發方獲平寧泊命抽歸尚欲含忍而詐亮之者日擁國門今且據先次有狀隱落全銀犀玉錢帛一十六萬七有餘貫文受偽蜀臣僚路饋九萬餘貫擅打開豐德庫門除點檢外諸色紬虧欠二十八萬一十餘貫遂令中書門下喚王全斌王仁瞻崔彥進與論索錢帛人等質正而全斌等具休其今御史臺於朝堂集文武百官議罪以制

責降田欽作官詔太平興國四年七月癸未

引進使汾州防禦使田欽祚頃者擢自廷臣委之戎律踰年翫寇曾無尺寸之功終日計財但規什一之利多蓄芻粟以買錢刀御衆華方為將如此宜從譴降以戒貪叨可責受睦州團練使

責石守信制太平興國四年八月壬子

執干戈以衛社稷全鼓以忘身者將師之事也西京留守檢校太師中書令河南尹石守信位隆台鼎任崇旄鉞履歷藩閫寵極恩榮乃者戎路親征授之師律軍政益壞戎武不揚職汝之由咎將誰執三尺議罪盖有常刑十乘于藩俾從優典可責授隨州刺史充崇信軍節度使依前兼中書令

盧多遜削奪官爵配隸崖州制太平興國七年四月丁丑

臣之事君貳則有碑下之謀上將而必誅兵部尚書盧多遜頃自先朝擢叅大政泊予臨御荐正台衡職在燮調任當輔弼邦家之務一以咨之朕既倚成汝合思報而乃交結藩邸窺伺君親指斥來與謀危社稷大逆不道非所宜言因遣近臣推治其事魄迹其露其獄已成既有司之定刑俾外廷而集議僉以裒夷其族汚瀦其宮州正憲

章以合經我尚念嘗居重征久事明廷將寬盡室之誅止用投荒之
典實汝有負非我無恩足爾群臣當體茲意其廬多遜在身官爵及
三代封贈妻子官封並宜削奪追毀一家親屬並配隸崖州充長流
百姓所在馳驛發遣仍終身禁錮縱更大赦不在量移之限其期周
以上親屬並配隸邊州遠郡禁錮部曲奴婢並縱之餘依百官所議
施行

曹翰削奪在身官爵登州禁錮詔太平興國八年五月壬申

威寒軍節度使判穎州曹翰偶以常材荐登貴仕有羊質虎皮之謂
無飲冰食蘖之心擢登將壇兼領郡政頗彰貪暴之迹尚推寬大之
恩而乃為惡務滋知過不改賦斂民戶盜用官錢擅築烽臺私蓄兵
器地接京輔身擁節旄恣為姦謀首敗王度百辟集議有司定刑必
行枯木之誅以正金科之法特寬極典式示深仁削名籍而為民俾

禁錮於近地周全大體深屈常刑其曹翰在身官爵削奪御史臺遣
吏送登州禁錮所有盜用穎川官倉米麥及官錢帛並令徵納其部
下贓錢及擅斂粟麥絲綿等特與除放侵官地為蔬圃果園悉籍入
焉

胡旦謫官制太平興國八年十二月丁未

右補闕直史館胡旦猥以庸瑣謬升科級兼領太史為吾近臣頃以
江淮漕運俾司其事賞賜甚厚恩獎備至年少氣銳所為不法朕思
欲全度盡與洗滌俾領東海欲其自新而乃沉湎於酒恣行鞭朴妄
奏部下吏課最以圖僥倖增置胥吏侵用官錢醜迹升聞逮捕繫獄
證左已具適會夫赦朕猶示含垢之道未行黜幽之典俾在禁掖司
吾策書乃敢獻頌闕廷毀讒公輔詞意狂悖莫甚于茲人之無良惟
日靡足言之不善雖遠必遣豈可寘於周行所宜投之四裔尚通朝

籍俾隸方周我非無恩爾宜自省可授殿中丞充高州團練副使依分司官例支給半俸仍不得僉署州事

責陳象輿等詔端拱元年三月甲戌

爵祿所以育賢能刑罰所以正綱紀願爾回邪之革玷予明備之朝爰舉憲章是為公議鹽鐵副使戶部郎中陳象輿等自膺選任累踐清華戴君既乏於盡忠結黨乃通於非類險詖無已蹤跡自彰宜並寘於嚴誅用顯懲於多士特寬窮宥以示恩宥俾佐郡城頗屈刑典爾宜自省法不虛行象輿可責授復州團練副使度支副使刑部郎中董儼可責授海州團練副使司封員外郎知制誥胡旦可責授坊州團練副使右正言直史館梁顥可責授虢州司戶參軍

責侯莫陳利用詔端拱元年三月乙亥

鄭州團練使侯莫陳利用身本賤微性惟險詖結黨潛誣於良善在

官但恣於踰違惡迹滿盈醜聲騰沸尚尸榮於列郡寔有玷於清朝宜屏姦邪用行黜削可除名配高州禁錮

張佖奪体詔端拱元年二月丁卯

戶部郎中判考功強洎審定故秦國王錢俶謚議爰引舊章皆有典故虞部郎中判大理寺強似學識甚淺敷陳失實免其降黜特示含容仍奪一月俸所有尚書省詳定謚號依張洎所奏

責田錫等詔淳化三年五月丁未

戶部郎中知陳州田錫通判殿中丞郭渭等輟自通班委之共理聽訟之際所宜盡心近者部民張矩殺人繫獄殆逾兩月曾不慮問以至稽留逮捕證左數百千章尋令遣使鞠核論報彌年次下憲司方見情狀枉撓刑獄職汝之由宜申譴黜之文以懲簡慢之罪錫可責授海州團練副使渭可責授鄆州團練副使

責侍衛步軍都虞候峰州觀察使王榮詔淳化五年正月戊辰

王榮總藩衛之兵居爪牙之任賦祿甚厚注意非輕北者肅奉戎師出佐邊郡軍政益壞將略無間而專殖貨財規求盈羨侵取官地蔣為疏圖單醪之惠不及於軍中三牲之養頗虧於膝下玷辱風化孤角罷靈合正刑章以謝中外尚以頃依蕃邸屢從征行錄以尺寸之勞俾居環列之尹忽忘改通用體匿瑕可責授右驍衛大將軍

責吳元載詔

西上閣門使富州刺史吳元載頃者輟於近侍界以維藩矧茲富庶之邦合行易寬之政元載持法夫急御下少恩庸人擾之民用胥怨致茲做擾職汝之由及受代歸朝趣裝離郡負擔之人甚眾閔市之征靡輸雖清白檢身固絕脂膏之染而道路以目豈無蕙苾之嫌矧又肩輿而行頗為干于所指合從嚴譴以正常刑尚念世勲屈茲邦

典可責授鄧州團練使不簽署州事

責西京作坊副使度支都監趙贊詔至道元年正月丁卯

具官某跡推寒賤心本回邪頃以曾歷錢刀驟加任用補報無效姦詐日彰務交結以進身寔狡惡而成性據其深罪合寘嚴科爰順發生特從寬貸俾懲惡黨宜隸方州其削奪在身官爵并一家配隸房州集個仍限今日內進發所在馳驛發遣

點翰林學士尚書禮部員外郎知制誥王禹偁制至道元年五月甲寅

具官某頃以文詞荐升稱級而徊徨臺閣頗歷歲時朕祇荷丕圖思皇多士擢自綸閣寘于禁林所宜體大雅以修身蹈中庸而率性而操履無取行寔有違頗彰輕肆之名殊異甄并之意宜遷即著俾領方州勉務省躬聿圖改節可工部郎中知滁州

責前陝西轉運使尚書工部員外郎鄭文寶等詔至道元年十月丁丑

具宮集頃者擢自周行出司漕軌地接夷落方切於羈縻民屬流亡
尤先於煦嫗而乃自率冒臆妄作聰明築壘沙磧之中贏糧邊徼之
外輕變禁法遂致辭駭重撓吾民遂成逋播靡洛居於官次但生變
於邊疆紆軸其空金革未息者職汝之由也合從蕭斧之誅以快搢
紳之議俾居令長深屈憲章可責授郴州藍山縣令所在馳驛發遣
轉運使尚書吏部員外郎盧之翰責授國子博士轉運如故

張齊賢分司制

咸平五年十月丁亥

右僕射判永興軍府事張齊賢早階顯重荐陟公台位居端揆之崇
任摠藩維之劇官師之重儀刑式瞻而乃悅媒氏之甘言利寡婦之
私帑訟端是構物議交喧宜川小懲俾循深咎河太常卿分司西京
梁鼎罷度支使詔咸平六年五月甲寅

閔隴之右全草未亨調發所資用度為急春醴鹹之所產利賈販而

有經度支使陝西置制候右諫議大夫渠鼎職任均財議陳變法俾
伸裁制庶司使宜曾微遠圖苟徇獨見公私大捷儲峙益空徒亂舊
章頗喧群議俾停使務用儆官常可罷度支使守本官

責朱台符等

詔景德元年九月辛丑

國家選才幹之臣分漕運之任苟能盡瘁罔有不減其或靡務和同
互陳利害當茲劇選何以協宜屯田郎中楊覃工部員外郎直史館
朱台符輟自周行並司外計自臨職務亦涉歲時而各率冒襟茂聞
公共台符則但能改革有異酌中覃則止務因循莫能盡力殊車輯
睦日有異同泊遣獻官往詢事理違例之狀昭然可知將肅朝綱合
行嚴譴念經任使嘗効勤勞猶領郡符寔從優典勉親民政更慎官
箴覃宜知隨州台符宜知郢州取便路赴任仍令御史臺傳告諸路
轉運使副各令儆戒

張舒等贖銅詔景德四年九月乙丑

宣聖之祠布在郡國儻加完葺屬在官司輒賦民財是違詔令致其牒訟宜舉刑章知耀州起居舍人張舒等並依法贖銅

貶朱搏詔景德四年十月丁未

貶授潭州湘陰縣令朱搏向守郡符妄形奏牘自于公憲合真嚴科且示包容伴居宰字荷茲優貸誠合知非而愈恣冒襟曾無悛革蓄藏舊藁銜惑於人果致奏陳益彰狂瞽黜居別來尚示從輕可貶從

衡州別駕

責邊肅詔大中祥符五年四月乙丑

樞密直學士給事中邊肅早升門籍頗負時材屢委藩條擢參禁列荐分朝寄出守翰垣而靡慎操修黷干貨賄合從嚴譴用警群倫念其頃在刑臺嘗親戎事頗輸臣節克効勤勞特軫予衷克于吏議止

從則秩仍列貳車可追奪三任授岳州團練副使不署州事

宋朝大詔令集卷第二百三

宋神宗大詔令集卷二百三

宋神宗大詔令集卷二百三

宋朝大詔令集卷二百四

政事

龍圖閣直學士

龍圖閣直學士工部郎中知河南府兼留守司同群牧事陳堯咨可落龍圖閣學士依前二部郎中知鄧州制

朕以眷待近臣講求政本俾藩宣而是寄期條教以克遵其有行或越思事致過舉必加懲艾用肅群倫具官某卑以雋才中吾首選荐登清顯聿署勞能內閣至崇適分於嚴直近都為大方委於綏臨而乃不守朝章大招物論責實無隱伏辨甚明特示矜寬免茲推鞠宜罷參於禁職仍移蒞於列城勉新令猷以補前過可

判館閣左藏等庫官典罰銅詔

維城之邸東綴延災雖綆缶之救皆勤且儻攸之縱方甚而中祕圖

宋神宗大詔令集卷二百四

書之府崇文典籍之司洎乎宮禁之間帑庫所在延燔遽及莫克於
保完官守候分宜懲於曠慢止從寬典明示深慈其判館閣官左藏
香藥天書法物庫監官各罰銅四十斤職掌專典各罰二十斤

責宮苑使獎州團練使李溥詔天禧二年四月戊申

宮苑使獎州團練使李溥職任乖方訟端斯構比令按鞠驗其奮貪
以市賈而欲贏且簞簞之不飾罪狀咸露憲網何逃但以嘗委事權
頗經煩使範鎔寶像供億真庭歷歲滋多輸勤可念式逢恩宥特示
寬矜黜處貳車仍列近服可責授忠正節度副使不得簽署州事

寇準太常卿知相州制天禧四年七月丁丑

朕恭守丕圖思疑至化寵綏庶品敦洽太和眷惟大臣夙所尊任苟
或有愆視履罔叶汪懷用塞群言示茲申警太子太傅萊國公寇準
早事先帝亟升近班洎予繼承彌所優待向從會府權正昂司出踐

天臺累承藩寄復升樞宥擢領麾幢位兼將相之崇恩厚股肱之契
去歲疇其宿望再委國鈞蓋繫寅亮之謀以弼緝熙之政而將明莫
顯散實靡孚輿議交誼朝章失序加以罔思競慎不肅門庭交結匪
人虧傷大體顧其狀迹因事而章諒懲勸以難私在刑典而曷捨尚
以踐揚既以體貌素隆特屈彛章仍居峻品勉布條職勿忘省循可
特授太常卿知相州

盛度王曙落職知外州詔天禧四年十月丁丑

人臣之道忠正是資苟違恪謹之風曷逃降黜之咎翰林學士兵部
郎中知制誥盛度樞密直學士給事中兼太子賓客王曙本用儒術
登于仕途中外踐更歲時綿久嘗委劇繁之任遂升侍從之班而罔
遵典彛不慎交結察其狀迹頗甚著明有犯官箴自貽常憲削禁庭
之近職司符竹於外方期爾省循荷茲寬宥度可依前兵部郎中知

光州曙可依前給事中知汝州並落職

寇準貶道州司馬詔天禧四年八月壬寅

刑罰之設天下之公共也苟雷其罪予曷敢私太常卿知相州萊國公寇準爰自先朝早膺榮遇便蕃恩寵踐履清華屬朕續承彌深東注出奉節麾之寄入登樞宰之崇而不務敦修密萌凶慝辱予輔弼玷乃播紳特屈憲章免其流竄默居典午允謂寬息可貶授銀青光祿大夫行道州司馬仍以其事傳告諸州御史臺揭榜朝堂以示百辟

寇準貶雷州司戶勅乾興元年二月戊辰

勅為臣之辟莫大于不忠治國之經務從而去惡矧獲罪於先帝尚屈法於公朝世所靡容朕安敢捨銀青光祿大夫道州司馬寇準荷二聖之顧極三事之崇每推誠而不疑當捐軀而有報而乃包藏凶

德背弃大恩與返寺以通謀構厲階而干紀果上穹之降譴俾渠魁之就擒始其告變之辰適當違裕之際陪危將發震駭斯多雖馳驛以竄投蓋忌器而隱忍靜思及此可為寒心屬予一人肇續丕構欲邪正之洞別在賞罰之惟明特貶遐方庶塞輿議全其微命足示於好生正乃常刑式申於禁暴諒非獲已爾惟自貽可貶授將仕郎守雷州司戶參軍員外置同正員

李迪衡州團練副使勅同上

勅附下之私法當必罰濟惡之釁理難獨矜屬茲纘紹之初太判忠邪之路其有嘗居重任每務詭隨爰究驗於事端宜申嚴於朝憲尚書戶部侍郎知鄆州李迪幸由上第亟錢清塗終踰星紀之齡遽貳禹司之正超擢之速倫革絕偕驟正宰衡尤為非次伊醜徒之構亂萌巨孽而有初瀆撓先朝震驚群聽自剪夷於首惡見傳會之有由

特示含容貴今終始逮于罷免尚蒞蕃宣基命維新政體尤慎稽諸公論難掩宿愆豈可未正彝章猶居崇秩謫于遐服處以貳車茲寔自貽無忘深省可貶授銀青光祿大夫檢校尚書水部員外郎充衡州團練副使不得簽書本月公事

宣徽南院使鎮國軍節度觀察留後華州刺史曹瑋落宣徽南院使徐授左衛大將軍容州管内觀察使就差知萊州制

目上

勅上之比下在刑賞以無私君之馭臣盡進退而有禮苟步比周之迹復懷覬望之情尚舉寬科用全大體具官曹瑋因緣舊族際會先朝膺恩顧以有殊踐官榮而不次出奉守官之寄入陪帷幄之謀屬兇人之擅權構逆暨而干紀遽因敗露旋就竄投頗彰朋附之端曲示含容之德止解重柄仍進崇資以嘗摠於戎昭遂復委於邊要而

乃為國生事輒援於乎民徼時有功罔念於前訓朕以肇承遺旨恭紹洪基將肅具察州申丕律降居環衛之列遙分庶問之權任以方州茲為薄責苟能省過姑務改圖當再造以是甄豈一肯而斯棄服我優假汝惟欽哉可

尚書戶部侍郎知青州周起責授太常少卿知光州制 同上

勅勵節砥名人彞所尚舉直措枉邦禁斯明苟跡涉於比周而履虧於端慎宜申懲沮以肅群倫具官周起早契昌辰荐升華貫擢贊樞衡之務冀申帷幄之謀屬當國之臣怙權稔惡締連送監震撓先朝朋附之蹤夤緣斯見尚全至體上罷近司朕祇荷丕圖洽聞輿議爰稽典憲用屏兇邪從坐之科爾特安免降居列牧尚泣方州咸示寬恩聊從薄責苟能改節當復棄瑕庶念自新無或貳過可

給事中知杭州王隨責授秘書少監知通州制 同上

勅王隨際會昌辰踐揚美仕備掖垣之獻納為望苑之采寮而服道
未豐修身寡慎比周非類虧損素風尚居封駁之曹未塞衆多之論
蓬山亞列頻海方城得首前非用明簿謹苟能祇事彌恪悔過不疑
粗伸補報之恩當示甄收之命可
給事中知海州王曙貶檢校尚書水部員外郎充郢州團練
副使兵部郎中知光州盛度貶水部員外郎和州團練副使
勅爵賞所以勸能刑罰所以懲惡執茲二柄馭乃庶邦其或階緣進
身比周成性由徑以希用挾私以敗名當景命之惟新在公議而難
捨具官某早膺委遇繼荷寵靈擢陞密近之班仍忝調護之列罔思
補報但有覬覦傳會所親全虧於物望交通官豎自罹於憲章處之
列城聊示薄譴未塞衆多之輪宜行黜降之文授以貳車俾首前咎

尚為優貸勿謂無恩可

秘書丞監撫州鹽酒稅張子臯降授大理寺丞餘依舊制上
勅某邦禁斯設本以閑邪臣範使稽所宜守正苟涉比周之狀寧逃
譴責之文惟爾早策科名荐登官秩輒附權臣之黨頗殊端士之風
迹有黃緣事皆干預荷先朝之含垢舉常典以惟輕朕恭紹丕圖重
違輿議懲其元惡投彼遐遐爰生從坐之科止行末減之命元棘丞
率釐務如初足示矜寬勉自循省可

杜堯臣等責除虞部員外郎兵部員外郎知齊州段惟幾責
授太常博士差監蘄州鹽酒稅務制 同上

勅衛尉少卿知安州杜堯臣等仕進之方貴乎守道邦國之憲謹乃
懲違惟爾以服簪紳屢承委使履有殊於慎行迹備見於附邪屬當
嗣極之初方申去惡之令稽于公論宜做明非爰示左遷猶為寬典

恪居所職當念前尤可

朱巽寧國軍節度副使梅詢池州團練副使並不簽書本州

公事制同上

勅護國軍節度副使朱巽懷州團練使梅詢等早踐華資迭膺榮委
或任司藩閫或職摠漕翰屬以孽類朋姦稔謀構亂惟茲咸鎬之域
首興變詐之謀爾等嘗所薦延已彰昵比不能防察復致驚駭先帝
矜在矜寬聊從降謹當丕承之伊始願群議之益喧特移江介之區
未改賓筵之職若申警厲深自省循可

林陶檢校比部員外郎充歙州團練副使不簽署本州公事

制同上

勅太常博士林陶早以士流齒于朝綴亦嘗倅郡蓋俾効能而靡念
矜修唯興黨訟若令墮務姑示懲違益復持人之短長未嘗思已之

愆咎所至之地苦其害群于茲累年罔或遷善是從中做俾列貳車
苟罷先節以浚心當復真行而備用如其終懷弗類尚蹈前非必議
竄投永絕甄錄汝寔自取吾豈棄人勉佩訓詞無煩刑律可

丁謂貶崖州司戶勅乾興元年七月辛卯

勅無將之戒舊典甚明不道之辜常刑罔捨苟露挾邪之迹宜申去
惡之文具官丁謂早踐台司備隆朝眷曾靡圖於為報乃公肆於非
心昵彼妖坐館于私舍潛通詭計假託神靈與孽寺以連謀幸先皇
之違裕將逞姦回之志妄談禍福之端屬朕纘臨觀專威柄僻違之
狀茲見於反常毀讒之言更彰於無上比從罷免猶示矜寬既菟慝
之旋間且閱實而具在背恩棄德一至于斯竄處遐方寔乃自取可
貶授將仕郎守崖州司戶叅軍員外置同正員

王從益降官制

勅右諫議大夫王從益早由蔭籍爰襲衣纓爾父近有奏陳莫從訓
誘特遷閨列伴侍家庭而乃輒發文移輕于府政靡遵彛檢寔慢朝
經向示矜寬免其推鞠止令降秩無忘省躬可

霍炳陳州長史制

勅權易使翰林醫官使霍炳先皇不豫屢易炎涼爾職當侍醫藥
靡勅俾從降譴用示朝章可

任中行度支員外郎監許州酒任中師太常博士監宿州稅

制

勅兵部員外郎任中行左王言任中師筆率以文科列于朝著由乃
兄之貳政厲聲位之均恩曾固伋於親嫌遽越升於班序方明淑慝
尤在澄清俾復常資仍分釐務用愆非據無忘省躬可

祖士衡落知制誥知吉州制

勅禮部郎中知制誥祖士衡夫位列禁垣班泰法從時惟雋選允謂
清階苟率履之有愆諒居職而奚稱爾早登殊級綽負敏文且彰應
務之能久處有材之地擢升祕掖同掌贊書誠宜祇惕官箴敦修儒
業乃於任使之際靡聞畏慎之心而又階託於權臣交游其諸子罔
遵直道頗積群言宜寵綸曹尚居蘭省出臨名郡兼委長人勉申撫
俗之力無忘改過之美可

進敏職方員外郎監渭州酒務制

勅祠部郎中知晉州焦敏久服朝榮獲登郎省頃膺郡寄守和平陽
報政茂間隳官有素罔念靖共之訓備彰超附之蹤再領藩條允喧
物論方明紀律用汰品流降處外郎之曹仍分釐務之任聊茲申儆
無忘省非可

章頰比部員外郎監饒州鹽酒稅制

勅侍御史知宣州章頴幸遘昌特列於通籍向膺朝選擢預憲僚罔
敦平允之心曷副準繩之職喧於群論頗異首公豈可尚處清階仍
臨劇郡就易即曹之秩退居推署之司用儆當官勉於省已可
責提轉不案李應撥詔二月丙戌
外臺之官責在刺舉知兗州李應機在郡不法肆行貪殘當職靡言
咎將安執其本路轉運使劉明恕李允元提點刑獄尚霖郭位特免
勘各罰銅二十斤

曹利用責左千牛衛上將軍知隨州制

天聖七年正月丙辰

朕講求至治遵御群賢庶期同德之臣共守太公之道苟違邦憲安
敢自私推誠保德忠亮守正翊載功臣保平軍節度陝州管内觀察
處置等使開府儀同三司守司空檢校太師兼侍中行陳州大都督
府長史判鄧州軍州事兼管内勸農使上柱國鄧國公食邑一萬三

千三百戶食實封四千八百戶曹利用履三事之榮賦萬鍾之祿靡
畏亢盈之禍寔淪驕恣之風而曹汭早被賞延寔乃猶子遣官鄉邑
符構凶謀竊倖南面之儀以服中央之色仍令醜類輒効山呼何乃
骨肉之間余失義方之訓屬者解於樞近出撫藩垣雖示寬恩未荷
公議興言勳舊忍寘嚴刑降居環衛之資徃奉方州之寄所宜自省
無曰非辜可特授銀青光祿大夫檢校司空兼御史大夫左千牛衛
上將軍知隨州軍州事兼管内勸農使上柱國仍令供奉官陳崇古
御史臺驅使官趙宗諒乘驛伴送至州

曹利用責崇信軍節度副使房州安置制

天聖七年二月癸酉

勅銀青光祿大夫檢校司空左千牛衛上將軍知隨州曹利用被遇
先帝擢在右府不思忠蓋以答籠榮每恣睢以怙權久包藏而伺隙
向緣從子密構凶謀止降官資尚居藩翰罔知內省自謂非辜復賦

狀以繼彰致獄成而來上合行則藉以警當官猶懷舊勞深屈常典
爾宜自訟以識寬恩可特降授左散騎常侍兼御史大夫上騎都尉
充崇信軍節度副使房州安置官為津置行李仍命入內供奉官楊
懷敏防護至州其房州知州監押並別選差人

宋朝大詔令集卷第二百四
公為興言...
無曰非...
官內之...
身六...
宋朝大詔令集卷第二百四

宋朝大詔令集卷第二百五

政事

貶責三

青錢惟演崇信軍節度赴木鎮詔 明道二年九月丙寅

王昔收賢材而經至治厲名器以示大公有憑世資遂冒天寵苟未
符於人望則難屈於朝彛推誠保順崇仁宣德協恭亮節翊載功臣
泰寧軍節度兖州管内觀察處置等使開府儀同三司檢校太師同
中書門下平章事兖州大都督府長史判河南府兼西京留守司上
柱國彭城郡開國公食邑一萬三千戶食實封四千五百戶錢惟演
蚤以藝文歷更華要罔知富貴之慎乃貽負乘之訛歷言茲多為善
何有三星之媾姑務結於戚藩百兩所迎率相依於權利乃復妄議
宗廟越侵宮常執憲以聞於法奚追朕念昔祖考嘗著勲勞尚曲示

於寬息止改從於別鎮黜其兼領即以繩違於戲公侯之家鮮克由
訓將相之任難以並榮其省爾躬往祇朕命可特授檢校太傅使持
節隨州諸軍行隨州刺史兼御史大夫崇信軍節度觀察處置使仍
赴本鎮

責楊崇勳制

景祐元年
八月辛酉

春秋之義賞罰蓋存於至公天地之仁始終固全於大德其有往陳
密事理涉厚誣致深平世之文昌禦宜升之請推誠保德崇仁忠亮
翊戴功臣河陽三城節度孟州管內觀察處置河堤等使光祿大夫
檢校太尉同中書門下平章事使持節孟州諸軍事行孟州刺史判
陳州軍州事上柱國宏農郡開國公食邑一萬七千戶食實封三千
戶楊崇勳早登勇爵自勵忠圖遂分節制之權乃居有密之地比崇
公家出蒞价藩方委遇之不疑俄幽寬之有訴爾頃以急變聞於先

朝故懷政被蒙惡之誅懷信嬰誣告之辱雖已行於昭雪固難追於
典彙然念嘗為弼臣屢經沛澤聊解台符之重任且更淮服之近藩
於戲曲法有常不可以恩而遂廢神靈非昧不可以幽而或欺其勉
自思以對成命可特授依前檢校太尉使持節孟州諸軍事行孟州
刺史兼御史大夫充河陽三城節度孟州管內河堤等使知壽州軍
州事兼管內勸農使

責范諷等詔

龍圖閣直學士給事中知兗州范諷責武昌節
度行軍司馬新廣南轉運祠部員外郎龐籍降

太常博士知臨州軍東
頭供奉官吳守則道官

懷諷罔上前訓之深德挾黨背公群言之尤疾范諷早由宦牒游服
朝倫曩嘉論事之能擢處諍臣之職而乃性資偽辯志騁比周頃主
計文昌冒于賞典吳守則嘗司國帑未結年勞輒廢格於舊條爰保
任於空簿加以內營產利外託廉貧假什物於禁司形妄言於奏牘

仍於列郡輒市公田因宿昔之薦論致州縣之阿狗泊從訊逮成露
欺誣尹具獄之上聞合免官而俟報擅還治所尤駭輿情特申降黜
之科用判忠邪之類龐籍比參朝選亟貢囊封事雖失於審詳理當
從於矜貸噫事君盡節乃克倚於寵榮行已弗減蓋自取於尤悔凡
百多士宜悉朕懷

范仲淹落職知饒州制

景祐三年

為臣之方宜懷於做畏御下之道亦貴於甄明惟忝列於近職方試
能於劇職苟愆誠節奚道國章吏部員外郎充天章閣待制范仲淹
早以藝文預升科第泊周旋於仕牒頗奮發於時才向者來其直誠
寘諸諫列旋由輕肆出領麾符未忘獻納之勤適委蕃宣之任俄升
侍從亟俾召還察乃強敏之材付以浩穰之治不次之過於時罕倫
所宜慎重爾為靖恭于著率循矩度以答寵光而每因進對之時屢

談時務姑挾謀身之利輒興搖衆之端雖聞大臣歷加詆毀交結在
位陰有薦論動形危害之言居顯比周之迹矧惟京府表則四方願
決訟而罕精多肆情而自用觀茲吐論視乃操心將罔惑於聽聰明
張皇於朋勢侵擾邦政黷薦朕師按以常刑宜當峻罰尚申矜宥聊
示降懲罷漢閣之班榮分鄱陽之牧守往服茲命無忘省躬可落天
章閣待制知饒州

郭勸李渭責官制

寶元

祿以賦能罰以黜罪有國之彝典况邊閫之寄覘候不明款附之人
綏懷無狀苟寬深責曷警在公前尚書上部郎中郭勸尚食使惠州
刺史知磁州李渭早緣履歷寔列華班嚮谷西土之人遂分延水之
重委之郡寄付以兵鈴時屬校寇繕完陰圖僭越輒馳單使公猷慢
書而爾等職在揣情事無不達加以嚮順之族挈孥歸來備陳美賊

之謀頭加天討之畧爾復暗于未兆忽為空言械以送還覆而不奏
稱忠勤於虎口甘憤疾於賊心稔彼凶殘致茲侵軼靜言其始非汝
孰尤雖已寘於寬科願未厭於公議宜從再降以肅曠官郭勸可特
授依前尚書兵部員外郎依前特服李渭可特授右監門衛將軍依
前惠州刺史

李淑落翰林學士制

慶曆八年十一月乙未

國家以肇基藝祖眷命上穹蓋敦揖讓之風匪尚干戈之事翰林學
士兼端明殿學士尚書禮部侍郎知制誥史館修撰李淑早登清貫
博覽舊文因近壞以頌條指故陵而發詠援古有失於義未安致人
言而上陳在國章而奚違第解禁林之職仍陞內閣之名往釐別都
宜服寬渥可落翰林學士依前端明殿學士兼翰林侍讀學士加龍
圖閣直學士集賢殿修撰知應天府兼南京留守司事

唐介責授春州別駕制

皇祐三年十月丁酉

勅殿中侍御史裏行唐介徃被薦言獲陪憲職不思忠蓋以答甄升
輒肆狂狷之言陰為朋附之計詆欺元宰引薦外臣迹其陰姦宜有
顯絀嶺服之外州佐是居惟爾之行所宜內省可責授春州別駕

唐介可改授英州別駕制

皇祐三年十月乙亥

勅某早任憲僚近因論事動閑誣罔陰有薦延跡既陷於詆欺理難
從於全恕已黜居於上介俾遷置於延陬尚念荒遐之方有惻哀矜
之度俾遷近服仍佐方州尚體寬優無忘循省

起居舍人楊政降屯田員外郎西上閣門副使曹修降洛苑

使制

皇祐四年九月丁巳

勅某等朕以盜起五嶺之徼屬時久安未始有金華之備致剽十餘
郡大攻清海軍曠日而未殄朕初命使者發兵調師而濟遠人之危

惟爾改頃按湖外有破荆蠻之功惟爾修在陝西壘習知邊機之事
故起畋於廬中而擇修副之其所以臨遣之意厚甚方賊勢犇蹶濟
沙頭以迫檄還前師不時進擊而欲棄壁焚糧為退保之計夫統大
兵之衆伐窮寇之黨願出此策耶朕甚不取焉嚮之行也有石史之
秩有上閣之著今以不職並罷而名罷未奪何足以勸耶往祇舊服
以勵以思可

某早宮苑使韶州團練使蔣偕除授北作坊使忠州刺史制同上
勅某向獠蠻狂悖震驚二廣剽掠郡縣殘害士民朕博求材武往殄
厥寇以爾久禦邊陲必知方略進以使名之寵加之團結之命自汝
攸往經涉時月朕晝夜憂勞遲汝成效而乃獨肆狂妄恣為輕率奏
陳無實動輒失理知護軍統帥有所議論而移書臺省陰為自解汝
有曲直當自處之求助於人其意安在褫其新命復於舊官爾其慎

思體此寬典可

兵部郎中充天章閣待制仲簡可落待制知筠州制皇祐四年十月

卯巳

勅唐鎮五筦而番禺為郡會遭時承平故其俗盛而貨蕃朕聞遣侍
從材臣以撫遠人之安今其墮事朕心撫然具官某向以器能擢貳
計省屬南方擇守遂寵以內閣之秩委以右符之行方邕寇之蹶鈔
數郡之東乃不能先計以搃溪巖之險暨番酋請奮仍柳衆不遣以
至賊鋒歛集而使居民不得入保戍辱士庶毀焚官寺掩奪兵器培
積金犀而勢益得逞比賊去城下又縱殺羸弱而莫之省者一方之
毒無甚于此爾為民長吏而自視得策乎尚念完守一城不加爾于
嚴謹止還禁職猶寄使郡爾其飭哉可

兵部郎中仲簡可降授刑部郎中制皇祐四年

勅某自蠻獠之蹶剽奪海隅爾守五莞之會既末能預為之禦迺疆
抑著眾失守險之策暨扶老携幼顧保城中又拒而弗納至使兵防
之具一以資寇民室被害十室八九朕尚念守城之固統奪近職寄
以偏郡如聞者禹之人懷怨不已言者交章稔于朕聽不有顯絀何
以謝遠方之民其上一秩體予寬憲可

責降郭申錫仍榜朝堂

嘉祐三年五月乙酉

朕常患民之好爭而風俗漸磨於薄也思有以革正非吾士大夫躬
率以義而道之於善則何以哉三司鹽鐵副使郭申錫官職事任不
為輕矣所宜慎守所舉以道吾民者屬與參決何議論之異遂成忿
爭章奏累上辯訴紛然敢為抵欺行之自若以至興大獄置對逾旬
參驗所陳一無寔者士人之行乃至是使吾細民何所視效其降申
錫知滁州仍榜示朝堂

昌溱落職分司制

嘉祐四年九月癸丑

有司官溱前在真定委信小吏至假官麴釀酒又使人詣勞郡貿易
私利朕惟溱簡宜好節立身有本末其推誠不疑使吏陷之法不欲
寘于理以厲在位者解溱近職分務別都溱之浚明高奭國必有以
矯其前失朕亦不以一眚廢爾其勉焉可落翰林侍讀學士依前禮
部郎中分司南京

呂溱降兵部員外郎依舊分司和州居住制

嘉祐四年九月丙辰

勅夫至治之世恥言人過德化成俗朕所慕之飭下以法蓋循公議
具官呂溱材是之選久列侍從侍以文武命守邊劇乃聽用下吏至
以成麴私釀易貨旁郡獄辭所逮彈劾經上俾罷禁職分務別都而
諫臣切言議論未塞宜從貶秩以示成邦其勉自修朕不汝廢可授
兵部員外郎依舊分司南京於和州居住

嘉祐五年五月
二十二月己酉

朕惟天下之務聽斷為難常求端良共濟大治夫風憲之地紀綱所
本用人在職豈不大哉以爾韓絳資賦材茂可寄言路擢自內署俾
表收臺所期至公以助信任之道而無根之語抗奏於前詆傷夫臣
事異政論輒去官號駭動朝聽雖開悟不惑朕志固定然納稅畢當
人其謂何諫憲交章願正彝曲宜仲執法之重出分太帥之守其勵
修省以對寵私可落御史中丞理檢使授依前諫議大夫知蔡州

胡宗愈奪職通判真州詔
熙寧三年六月丙戌

宗愈自領言職未嘗存心裨補朝廷治道凡進對論事必潛伏姦意
舍其事情旁為邪說以私托公專在破壞正理中傷善良所為如此
而置之左右前後豈非自蔽聰明氣激姦惡遂奪職通判真州

貶知慶州李復圭勅
熙寧三年十月丙子

工部郎中直龍圖閣知慶州李復圭擅興甲兵討蕩邊境致敵人畔
亂擾我邊陲種落凋荒膏于原野可責授檢校尚書工部郎中保靜
軍節度副使不簽書本州公事

范鎮戶部侍郎致事制
熙寧三年十月己卯

勅舉直錯枉古之善政服詭蒐慝義所當誅翰林學士戶部侍郎知
制誥范鎮材無任職之能行有懷材之寔頃居諫省以朋比見攻晚
真翰林以阿諛受斥朕惟用舊不汝疵瑕而每託論議之公欲濟傾
邪之惡乃至厚誣先帝以蓋其附下罔上之醜力引小人而徇干敗
常亂俗之姦稽用典刑誠宜竄殛宥之田里姑示矜容徃服寵私勿
忘脩省可

富弼落使相制
熙寧四年六月甲戌

牧守之職誠宜卹隱於民州郡之官固必承流于上昔雖位於元宰

今是司於价藩安有上之命令則頒而弗行民之災傷則訴而不省
苟屈常憲曷為至公推誠保德崇仁忠亮佐運翊戴功臣武寧軍節
度徐州管內觀察處置等使開府儀同三司檢校太師行尚書左僕
射同中書門下平章事行徐州大都督府長史上柱國鄭國公食邑
一萬一千戶食實封四千二百戶富弼天賦忠絕世推經濟荐更清
近之選益奮謨明之才當仁祖之視朝已尊特於鈞軸暨英孝之纂
極復首冠於樞衡逮于躬躬處以上相爰懇求於補外寔固替於注
懷既吏議之有聞於文法而難避宜仍端揆之秩上還衮鉞之名俾
移汝墳責便京洛於厥無私立政聊示降升之權圖舊為心終全進
退之禮當體恩遇勿忘訓言可特授依前行尚書左僕射判汝州軍
州事兼管內營田提堰橋道勸農使

沈起昨在廣西妄傳密受朝廷意旨經畧討交州又不俟詔擅委邊

吏招接息靖州儂姜美及於融宜州溪峒疆置城寨虛奏言蠻眾內

附既興版築果致叛擾殺土兵丁校官吏以千數今交賊犯順宜獠

內侵使一道生靈橫遭屠戮職其致寇罪恚在起了無疑者朕為人
父母視比遠方無辜之民橫罹災害深所哀悼沈起可僭死削奪在
身官爵送遠惡州軍編管

王中正种諤降官制

朕大興士眾屬爾等以伐羗固將舉其巢穴非徒卻敵收並塞之地
而已兵西出則近而爾東繇綏德回達之路以疲士馬費芻粟致功
用不集中正議既不審又約有分地當攻其左而不能奮擊以殲除
醜類大軍賞吾必行而罰亦安得已哉是用按爾之罪降扶有差其
體寬恩尚思報稱可

尚書祠部員外郎直史館蘇軾青授黃州團練副使本州安

置制元豐二年十一月

勅其官某稍以時名獲躋顯仕列職儒館歷典名城報禮未聞陰懷
歆望訛謾國致出於誣欺致言職之交攻屬憲司而辯治詖辭險說
情寔其孚雖肆宥示恩朕欲從貸而姦言亂眾義所不容黜真方州
以勵風俗徃服輕典毋忘自新可

翰林學士權知開封府蔡延慶落職知滌州制

勅學士以論思獻納為官而開封典治京邑惟忠信諒直有辭學政
事之能者宜在此選苟懷邪失職則為時起着具官某頃以藝文實
于法從擢尹畿甸入踐禁林耳思守公以稱榮遇而乃顯為姦匿弃
義徇私交通中人屈撓國法申朋比之志忘側媚之恥累傷國體無
甚於茲言者力攻深駭予聽褫職補郡猶示寬恩徃自省循毋重尤

悔可

翰林學士兼侍讀許將落職知蘄州制

勅為左右侍從之臣居京邑尹正之地朕所信任國之表儀若夫怙
姦不平挾詐無恥底于吏議罰不汝私具官某出入禁嚴典領要劇
不能靖共厥位國爾忘家以至阿蔽所親縱釋有罪干庠序進升之
法懷獄辭奏覆之欺致物論之弗容泊臺章之逮治罔知首服猶肆
誕設靜言庸違寔負器使俾從顯黜以儆官邪徃服訓辭毋忘自訟
可

李定落翰林學士罷御史中丞依舊太中大夫知河陽制閏

月二十七日奉聖旨李定言府界養馬事既見朝廷罷黜向
兼元法亦無改更定即更不敢論列顯是從初論是有失審
實可落翰林學士罷御史中丞
丞依舊太中大夫知河陽

勅居綱紀準繩之地為左右侍從之官維行與言朕所信任拂于公

議罰弗汝私具官某拔自周行真諸華要典領憲府論事禁林蓄馬
均民抗章來上逮樞臣之獲罪終新令之莫移曾無片辭復議得失
依違無寔具理已明稍懲舊班俾臨近郡往承恩宥爾毋弗欽可

宋朝大詔令集卷第二百五

宋朝大詔令集卷第二百六

故事五十九

貶責四

施邈責散官制 元豐

勅都官負外郎分司南京施邈爾素行鄙醜教冒邦憲今既以首郎
分務而歸尚不悔悟恣為姦利于撓州邑觸法抵禁益甚前日汗辱
冠冕斯可謂無恥之恥乎清議之所共廢朝廷之所不容黜副州團
練以警貪墨可責授檢校水部員外郎充舒州團練副使不簽書本
州公事

沈括罷黜制 元豐

勅惟幄近臣朕所與圖事揆策用休等戚者也苟無忠固一心而首
鼠兩端則法所當加詎不得赦具官沈括朕自拔擢真之侍從創法

立制汝皆與聞而始不熟計利害終則挾持浮說進退希旨反覆異言腹心如此朕何望哉黜守方州職兼書省猶為恩貸往自循思可

鄧潤甫落職知某州制元豐

勅中司之任以督察不法為職朕之倚信眾所準平事苟失情義難

羸法具官鄧潤甫蚕絲器使擢列禁嚴任總臺綱典治詔獄而乃奏

事不寔奉憲失冲言涉詆欺內懷願避宜從顯黜以肅庶士退蒞方

州並解近職往務循省體恭恩容可

陳繹降官落職知建昌軍制

勅太中大夫充龍圖閣待制知江寧軍陳繹職居近列出殿大邦而

規利營私冒法抵禁有司惧獄情實用字大蔽罪至於除名而論賊至

於自盜法所不容朕猶爾惻黜官奪職尚蒞一軍往其慎哉以事終保

可落龍圖閣待制特授中大夫知建昌軍

右諫議大夫知集賢院學士蘇頌降祕書監集賢院學士知

濠州制

勅京尹以平刑理究督察吏屬為職近臣以徇公滅私一意奉上為

宜苟異于所義當譴黜禁擢置侍從以畿部之政而阿黨庇親棄法

縱心植語交關與為道地不平有迹聞事于朝乃叶有司竊易文牘

姑欲蔽匿重成詆欺褫秩諫垣往常偏郡其務循省毋忘寬恩可

太皇太后內出責軍器監丞王得君詔

侍居上書云今建言者不深推本末乃斥先中以苛名而自法訂直之譽獲土未乾肆為醜詆

予方開廣言路得君上章謂言事者自沽訐直之譽杜塞人言無狀

若此可罷職與外任監當

李定責授朝請大夫少府少監分司南京滁州居住制

戴天履地共知不孝之刑自古及今孰為無母之國苟隳風教必正

條軍具官李定服儒衣冠誦古道義擢起小吏遽為通臣而初無欲報之情終獲所生之性母懷愛也雖禽犢且知之人言孔多良足愧悼務忠所事何善可稱天理人倫汝乃自絕典刑公議大復奚言可特授朝請大夫少府少監分司南京於潞州居住

范子淵降知政州制元祐元年

勅朝請大夫新差知兖州范子淵汝以有限之材與不可成之後使無辜之民置之必死之地橫費之財猶可力補而既死之民不可以復生此議者所以不汝置而朕亦不得行赦原也夷陵難小尚有民社朕有愧於民而於汝則厚矣可依前官知峽州

賈種民呂升卿知軍通判制

勅駕部員外郎賈種民吏部員外郎呂升卿天下有道士知分義流品清濁各有攸處如種民升卿亦不汝棄往服寵為命益祇厥官種民

可差知漢陽軍升卿可差通判海州軍州事

楊伋落職知黃州制

勅國家臨御百年哀矜庶獄好生惡殺視民如傷六聖一心簡在上帝而市井無賴讚訟公行若廷尉治獄不苛獄官議法有守則仁聖在上姦宄自清豈有數年之間坐致萬人之禍死者不復誰任其辜知廬州朝奉大夫充寶文閣待制楊伋以患失鄙夫之心而竊來君子之器欲與群小共分告織之巧專務巧詆以成疑似之罪試加覆視寬狀了然公議不容彈章交上卿從附下之罰少謝無辜之民服我寬恩益務循省可落寶文閣待制依前朝奉大夫差知黃州

呂惠卿責授建寧軍節度副使本州安置制元祐元年六月辛亥

元兗在位民不真居司寇失刑士有異論稍正滔天之罪水為垂世之規具官某以斗筭之材挾穿窬之智諂事宰輔同升廟堂樂禍而

貪功好兵而喜殺以聚斂為仁義以法律為詩書首建青苗次行助
役軍輸之政自同高賈手實之禍下及雞豚苟可蠹國而害民率皆
攘臂而稱首先皇帝求賢若不及從善如轉圜始以帝堯之仁姑試
伯鯨終然孔子之聖不信宰予發其宿姦諛之輔郡尚且政過稍異
重權復陳罔上之言繼有碭山之貶反覆懲誠惡心不悛蹂輕矯誣
德音猶在始與知己共為欺名喜則摩足以相歡怒則反目以相視
連起大獄發其私書黨與交攻幾半天下姦贓狼籍橫被江東至於
復用之年始唱西戎之隙妄出新意變亂舊章力引狂生之謀循致
水樂之禍興言及此流涕何追迨予踐阼之初首發安邊之詔假我
號令成汝詐謀不圖渙汗之文止為欺賊之具迷國不道從古罕聞
尚寬兩觀之誅薄示三危之竄國有常典朕不敢私

張誠一責授右千牛衛將軍分司南京制

勅孝治之極天下順之不子之罰民不輕犯而貴近之間尚有誠一
朕甚傷之乃者姦言詖行蠹國殘民之狀論者紛然方議其罪而悖
德隱惡達于朕聽考寔其事至不忍言詩不云乎行有死人尚或殮
之禮回父沒而不能讀父之書何以為手澤焉今汝之所為者何為
至此極也縱朕不問汝亦何顏處搢紳之列乎相州觀察使知潞州
張誠一可特授右千牛衛將軍分司南京

吳居厚責成州團練副使黃州安置制

勅朝請即充天章閣侍制知廬州吳居厚大為吏有體事上有方苟
異於斯何所不至爾使東道事任豈輕曾不是思獨以利賄邀功造
事害金一興而傷財蠹民不可勝數出納有量爾率私意以取贏課
入有程而挾公威以剝下怨讟並作達予聽聞一方何辜罹爾姦疾
有司驗狀誕謾庸違人之無良乃至于是罔上蔑典雖古有誅黜貳

州團用中國法無忘循省服我寬恩可特責授成州團練副使黃州安置

邢恕責知隨州制

勅具官邢恕西臺侍從敷行訓詞與間政幾選掄至重爾早登儒館驟陟臺郎而游歷貴權全非檢慎採之群議難寘近班尚假一麾俾之循省益思矜恕罔蹈後艱可依前承議郎權發遣隨州

呂嘉問責授本官知淮陽軍制

勅朝散大夫試先祿卿呂嘉問汝言利則析秋毫矣夷考其事則不掩焉蓋與吏為市張虛羸而冒寔賞自先帝時置吏鉤攻而詭盜折閱出入不可知民至有破產流離而不能償負者欺誕如此予何賴焉尚假一麾臨長軍壘往且循省服我寬恩可特授依前官知淮陽軍

蔡確落職知安州制

勅朕體貌大臣務全終始善則藩飾褒顯以風勵天下有過則遷就避諱以曲全舊恩至於用法蓋不得已具官某早以才力奮於下僚旋蒙器使致位元宰第碩不類貪冒有素而溺於私愛以廢公議曲從舉吏之請遂成贖貨之辜其驕奢淫縱之狀理無不知而涵養蒙蔽之甚殆非體國致煩言之並作雖欲宥而不能黜守小邦仍褫舊職往自循省尚體至恩可落觀文殿學士依前正議大夫知安州

蔡確責授左中散大夫守光祿卿分司南京制

人臣之義莫大於愛君天下之誅無先於訕上其官某姦回無憚險詐不疑以舞文巧詆為身謀以附下周上為相業先帝與子何云定策之功大母立孫乃敢貪天之力陰得朋邪之助顯為衆正之仇日者寵榮亢滿於宰司贓賄貫盈於季弟坐觀侈靡之無度不問貪叨

之所從佯若不知潛與為地朕既屈邦憲而貸碩萬死又抑人言而致卿兩全曾不反思尚茲歸怨形於詛斥播在詠歌託深意以厚誣包禍心而莫測味斯人之作見切憤於權宜覽觀水之章知樂逢於變故夫豈沾沾而多怨蓋皆怏怏之餘言朕雖欲容法不可赦放楊憚南山之句彼若無情方孔融北海之談汝為有實置之于理誰曰不然猶念股肱由全體貌徐為進退之禮慎保終始之私尚以列卿俾司留務聊著為臣之戒用嚴垂世之規徃服寬恩毋貽後悔可

蔡確責英州別駕新州安置制

元祐四年正月

勅聖人察言以觀行要在去凶春秋原意而定誅貴乎當罪義之所
在朕不敢私責授左中散大夫守光祿卿分司南京蔡確象恭滔天
懷讓迷國巧於祠候有同林甫之姦忍於織羅無異後臣之酷追改
林甫之深阻不易窺專忠義痛心於四海循良側目於兩朝家積
盧杞之姦邪信其難辯

之殃昧而不知已求之禍大而莫解陰遣腹心之黨自稱社稷之臣欺惑衆人微圖後福而賴神奪之鑑天誇其表使以不道之言發於緣情之作險意潛驚於群聽醜辭明紙於慈闈雖朕德之所招願母慈之何負昨奉聖訓稍從寬科而公議沸騰予心惜世未喪朋邪之氣祇傷崇孝之風欲有大功已見視其之志耳非佳語何疑崔奕之書宜正典刑以威姦慝假再生於東市保餘息於南荒不獨成朝廷今日之安蓋將為邦國無窮之計徃服矜貸無忘省循可特責授闕蘇軾落職奉官知英州制

紹聖元年四月壬子

訕上之惡衆慙厥愆造言之誅法謹於近矧彈章之荐至孰公議之敢私爰正常刑以警列位端明殿學士兼翰林侍讀學士左朝奉郎知定州蘇軾行汚而醜正學辟而欺愚頃在先朝稍躋青貴不惟喻德之義屢貢懷讓之言察其回邪靡見聽用遂形怨誹自取斥疎肆

予纂服之初開以自新之路名從方郡服在近班弗訛爾心覆出為
惡輒於書命之職公肆誣實之辭凡茲立法造令之大經皆曰蠹國
害民之弊政雖託言於外以責大臣而用意之私寔害前烈願威靈
之如在豈情理之可容深惟積辜宜竄遠服祇奪近職尚臨一邦是
為寬恩無重來悔可特落端明殿學士兼翰林侍讀學士依前左朝
奉郎知英州

呂大防落職降官知隨州制

紹聖元年六月甲戌

朕昔嗣位之初哀迷在疚宜仁聖烈皇后受託神考專佑躬屈攬
繁機事非獲已故亟進二三大臣委以政事庶幾協濟共揚遺烈觀
文殿大學士左光祿大夫知永興軍呂大防被遇先朝早歷禁從召
寘丞弼進登宰事而乃孝時變故密送姦回初則朋比家司繼則竊
弄國柄力引死黨分置要地因緣論事假託訓辭誘為姦言務快私

忿謂簾帷可以欺罔謂諒闇可以自謾凡經邦垂世之遠圖與理戎
斥地之成算或妄肆改作自矜變法之功或輕用棄捐意歸黷武之
過交通近習紊亂官儀睥睨兩宮呼吸群助恭惟太母本以保輔為
懷豈以紛更為事敢誣累於慈訓見包藏於異心國論沸騰邊患滋
熾逮于親政猶爾擅朝悖德自如姦狀斯顯尚務存於大體故深過
於群言而論者文章迫以大義謂有國之常憲豈舊恩之可私薄示
降懲少謝中外其思自省毋重後誓可特落觀文殿學士降授左正
議大夫知隨州

劉摯落職降官知黃州制

紹聖元年六月甲戌

昔者太母深處帷幄之中朕方孤立士民之上惇然在疚罔知攸濟
內則付託群公外則通達言路所賴有一德之士不二心之臣相與
戮力以康王室苟懷異意是辜委任觀文殿學士太中大夫知青州

劉摯在先帝時以館閣諸生擢任要劇雖中坐薄累終不汝遺夫何
仇嫌乃懷怨誹自長御史至登宰司始以傳會權臣奉承風旨既又
密布私黨倡導邪謀論議交通蹤跡詭秘誣詆聖考愚視朕躬首陳
變法之科終成棄地之令縱釋有罪以歸怨公上行蟻異已以誘脅
衆心害誠忠良不獨遂中傷之計窺伺禁省將密為離間之謀有臣
若斯維國之醜向雖從於罷免猶曲示於保全夙負益彰群言荐至
欺天之惡非公論之可容固上之誅願常刑之敢追聊從薄責以示
舊恩其務省循毋重來悔可特落觀文殿學士降授左朝議大夫知

黃州

蘇轍降官知袁州制 同上

事君者有犯勿欺所以盡為臣之節無禮必逐豈容逃慢上之誅太
中大夫知汝州蘇轍父子兄弟挾機權變詐之學驚愚惑衆轍昔以

賢良方正對策于庭專斥上躬固有異志有司言轍懷姦不忠如漢
谷永宜在罷黜我仁祖優容特命以官在神考時獻書縱言時事名
見詢訪使預討論與軾大倡醜言未嘗加罪仰惟二聖厚恩宜何以
報垂簾之初老姦擅國置在言路使詆先朝乃以君父為仇無復臣
子之義悞忤深阻出其天資援引佞浮盜竊名器專恣可否疇敢誰
何至與大防中分國柄固上則合謀取勝徇私則立黨相傾排嫉忠
良眩亂風俗朕既洞察險詖猶肆誕謾假託虛辭規喧朝聽比雖薄
責未厭公言繼攬奏封交疏惡狀維爾自廢忠順之道而予務全終
始之恩再屈刑章尚假民社往自循者毋速後愆可特降授左朝議
大夫知袁州

蘇軾散官惠州安置制 同上

左承議郎新差知英州蘇軾元豐間有司奏軾罪惡甚衆論法當死

先皇帝特赦而不誅於軾恩德厚矣朕初嗣位政出權臣引軾兄弟以為已助自謂得計固有悛心忘國大息敢以怨報若譏朕過失何所不容仍代予言誣詆聖考垂父子之恩害君臣之義在於行路猶不戴天願視士民復何面目乃至交通閹寺於詭倖恩市井不為搢紳所恥尚屈典章但從降黜今言者謂軾指斥宗廟罪大罰輕國有常刑非朕可赦有爾萬死竄之遐服雖軾辯足惑眾文足飾非自絕君親又將溪慙保爾餘息毋重後悔可特責授寧遠軍節度副使惠州安置

梁燾落職降官知鄂州制

紹聖元年六月乙酉

殿學士中大夫知鄂州梁燾自登禁從嘗長諫垣議論無補於朝廷殿學士中大夫知鄂州梁燾自登禁從嘗長諫垣議論無補於朝廷殿學士中大夫知鄂州梁燾自登禁從嘗長諫垣議論無補於朝廷

似之語指為呪詛之端首陽采苓嗟諫言之可畏南山種豆迹冤狀之甚明使顧命之元臣卒殞負於窮裔重罔慈闈之聽有傷初政之仁且彼未嘗矜定策之功而爾無故起貪天之謗刻意不容之若此處心積累之謂何朕弗欲匹夫之向隅忍聞一門之銜訴伏闕不已行路猶傷汝亦何顏孽乃自作聊從謹黜用示保容尚其省循毋重後悔可落資政殿學士降授左中散大夫知鄂州

洎彈章之繼間灼見厚誣為之傷惻罪成爾手雖當日之足矜戚寔自詒豈茲時之可貸尚從薄責往服寬恩宜務省循毋重朱悔安世可落寶文閣待制降授左奉議郎知南安軍安詩可落直集賢院降授左朝奉大夫監光州監酒稅

韓川孫升落職州知坊州升知房州制同上

左朝請郎充龍圖閣待制知魏州韓川左朝散郎充集賢院學士權知應天府孫升朕觀自古姦邪用事每憚正士謀去正士必籍陰險驚悍之徒為之窺伺以害不附已者隱毒竊發其傷寔多前大臣光公著乘朕不言引巖叟光庭等欺罔簾帷大防摯又用安世川升等以善其後皆以凡才冒處禁署妄矜小智訛詆先烈十年之間同惡相濟豈以朕為終不足以察爾邪嗚呼不忠甚矣今首惡就斥川升何逃尚竊榮秩曷慰公論未即竄投姑爾舍貸川可特落龍圖閣待

制依前左朝請郎知坊州升可落禁賢院學士依前左朝散郎知房州

趙冲降官監當制

檢會常立元祐中供納實錄院文字其間省同奉聖旨常立罷諸王府侍讀罷所借轉通直郎依舊鄭州觀察使添差監永州在城酒務仍放謝辭候任滿罷更不差人奉議即知河南府登封縣趙冲可特降授宣德郎就差熙道州茶鹽酒稅務亦斗地基等場

勅趙冲造言之刑見於周官訟上之隱聖人所惡爾為秩紀事欲以傳信而措為無實之論希合背公之黨詞呂悖慢意在詆誣秩子以同惡相濟原情定罪誅有餘責降秩司權黜之遠方是謂寬恩無忘自訟可

范純仁降官制紹聖元年七月丁巳

勅徇公背私所宜盡節附下同上何以為忠爾比以世臣擢預樞省曾未稍威遂登宰司賴其悉心輔我初政方光公著大防等先後川

事汝則朋比居中傳會姦謀變亂先烈首議棄地貽患邊防輕負累朝之恩曲成私黨之意自陷姦慝屢致群言深為涵容久屈彛典聊從薄貴無怠省循可降授通議大夫依前觀文殿大學士知穎昌府

王古落職制

三首同奉聖旨王古落待制依前官知袁州替

差下杜炎令吏部依元列部

勅待從之官朕所加禮義有可然亦不汝私朝請即充寶文閣待制

知廣州王古外邀靜重之名陰懷向背之計曩使淮許事狀其存指

平歲為凶荒以齊民為餓殍妄散邦物希合權臣朕姑務矜容置而

不問貶之嶺服異能改圖而兩闈謝章公肆妄誕締交合黨則餘力

不遺於私門稱德歸息則一言不及於公上為臣若此且安用之禡

職近班點守一郡俾其自訟務補厥愆可落職知袁州

張龔降官鄧州都監制

勅落省副使張龔爾父茂則嚮者幸時變故包藏異心援引姦凶表

裏倡和已復追貶稍正典刑爾憑藉世資躡官次聊從降秩尚體

寬恩可特改授皇城副使添差鄧州詐監任滿更不差人仍放謝辭

楊畏等降官制

勅楊畏等先勸程庠為失勸施行不合併支

一官罰銅二十斤奉勅依下兩楊畏祝庶並降承議即范純

禮對廢並降朝請即許大希降朝散郎崔直躬特版人張克

勅爾等佞蠱首賜舊著明文吏緣為姦盜費庫物外臺舉發案牘已

明爾等職在詳刑而觀望附會故縱有罪覆陷無辜積年稱克乃今

獲雪理當重默以警官邪特以更恩聊加薄責降校一等以示創懲

可

范祖禹趙彥若散官安置制

紹聖元年十一月甲午

朕以眇末紹承聖緒大懼不能發揚先帝成功盛德曩詔儒學之臣

論次大典於以章示至公傳信兼世明明在上其可厚誣龍圖閣直
學士左朝奉大夫提舉亳州明道宮范祖禹翰林侍讀學士中大夫
提舉袁州仙源縣景靈宮太極觀趙彥若名列從官職在太史周念
朝廷之屬任專懷朋黨之私恩依憑國書疵詆先烈變亂事寔輕狗
爰憎秦篇累年公罔朕聽逮寃厥寔語多無從覽之矍然靡自皇處
得罪宗廟朕何敢容古有常刑宜即誅殛尚茲屈法聊示竄投服戎
寬恩無忘自訟祖禹可責授武安軍節度副使永州安置彥若可責
授安遠軍節度副使澧州安置

黃庭堅治州別駕黔州安置制紹聖元年十一月甲午

差朝奉郎充集賢校理管勾亳州明道宮黃庭堅爾擢於諸生使預
著作罔念朝廷之屬任專懷朋黨之私恩依憑國書疵詆先烈變亂
事寔輕狗爰憎古可常刑宜即誅殛尚茲屈法聊示竄投服戎寬恩

無忘自訟可責授涪州別駕黔州安置

陸佃落職知河陽制紹聖二年二月庚午

朕以先帝休德鴻業當其載信史以光昭無窮故擇儒臣委其譔次
仍俾宰弼總司厥官而不逞懷邪恣為誣毀屬頗懲其太甚願多失
於從寬丁憂人前左朝請即充龍圖閣侍制陸佃嚮由諸生致身禁
從摺預史事多思歲時俯仰順從媿阿泯默曲徇群姦之意苟幸一
身之安謂爾有所建明罔未嘗爭論而去謂爾因為譏訛則於今其
叢不存進退之間風節無取雖言章沓至衆弗汝容然罪疑惟輕古
有成詞姑就延閣用獻師言勉自省循以稱矜貸可落龍圖閣侍制
依前左朝請即知河陽

呂大防修宮安州居住制紹聖二年二月庚午

朕來惟先皇帝一朝大典萬世信書安命相臣專董其事宜率厥屬

協于至公自牛典刑朕安敢貸降授通議大夫秘書監分司南京呂
大防遭義特達更踐高華憑據宰司輕視天下總領論譏既公肆發
誕謾用意詆欺復手加於筆削移過君父虛美故臣肆爾朋邪罔上
之姦拂朕追孝述先之志昔馬遷良史猶號謗書會昌權臣擅改寔
錄敢為訛黷曾靡顧嫌歷考舊聞無甚於日矧以躡遷賞典自處泰
然怵利怙權前無故事屈用惟輕之典止還冒進之官物議弗堪彈
章交至再削文階之次仍聯分務之名易自郢邦處之安陸申儆凡
百宜體朕懷可特降授中大夫中尤祿卿分司南京安州居住

曾肇降修撰知滁州制 同上

罪疑惟輕古有成訓罰未稱罪人其謂何左朝奉大夫充寶文閣待
制新差知滁州曾肇早列史官職司大典久於謬述多歷歲事偶未
終篇因屬補外比加核寔灼見姦誣雖爾於今具藁不存願昔未嘗

爭論而去乃付支郡未厭公言謂爾非特無所建明願亦稍預筆削
宜黜從官之籍尚聯書殿之名服我寬恩勿忘猶省可落寶文殿待
制特授依前左朝奉大夫充集賢殿修撰知滁州

常安民送部與監當制 紹聖二年九月壬戌

監察御史常安民立心凶險處性頗邪荐致人言姦狀甚著俾之要
路誠非所宜可罷監察御史送吏部與監當差遣

再責范祖禹劉安世詔 紹聖三年八月庚辰

責授武安軍節度副使永州安置范祖禹責授奉議郎試少府少監
分司南京南安軍居住劉安世在元祐中構造誣謗靡所不至迹其
用心宜加誅殛聊從遠竄以示寬恩范祖禹特責授昭州別駕賀州
安置劉安世特責授新州別駕英州安置

呂大防責散官安置制 紹聖四年二月癸未

朋姦擅國責有餘辜造訛欺天理不可赦其加顯黜以正明刑降授
中大夫守先祿卿分司南京安州居住呂大防資性冥頑心術狠戾
背天地之恩於先帝廢君臣之禮於朕躬冒登冢司竊弄威柄列布
私黨競分權要假借誣辭以變更良法網羅空語以增飾謗書乃至
擠陷舊勳棄捐邊要內結近習陰懷異心外連群凶力捍新政罪寔
同於元惡法當置於嚴誅而事久益彰罰輕未稱朕追念前烈究觀
衆言義不敢私恩難獨貸貶秩散秩投畀遐方懲誤國不道之愆為
垂世無窮之戒尚思循省勿重悔尤可責授舒州團練使循州安置

宋朝大詔令集卷第二百七

宋朝大詔令集卷第二百八

政事六十一

貶責六

劉摯散官新州安置制 紹聖四年二月癸未

訛上之姦衆所共棄刑故之義朕何敢私降授左朝議大夫試光祿
卿分司南京蘄州居住劉摯趨操回邪性資險譎嚮由言路力附黨
魁倡和姦謀毀黜先烈視朝廷為虛器以君父為深仇成法舊章肆
意變亂不踰數載竊據宰司益引凶人布滿要路根據盛大攘主圖
私嚮以積惡貫盈雖從竄斥而責輕罪重公論未平且降散官授之
四裔勉思暢厲體我寬恩可責授鼎州團練副使新州安置

蘇轍散官安置制 同上

朋姦擅國責有餘辜造訛欺天理不可赦其加顯黜以正明刑降授

左朝議大夫試少府監分司南京筠州居住蘇轍標傾側孽臣之心
挾縱橫策士之計始與元軼肆為抵牾晚同相光協濟險惡構無根
之辭而欺世聚不逞之黨以蔽朝謂邪說為謹言指善政為苛法矯
誣太后愚弄冲人助成姦謀交毀先烈發怨怒於君臣之際忘悼
於父子之間陰懷動搖公肆排訂粵予親政尚爾撓權持罔上之素
心為怙終之私計罪同首惡法在嚴誅而事久益彰罰輕未稱朕願
瞻嚴廟跋念裕陵義不敢私恩難以貸黜居散秩投置遐陬非徒今
日知馭衆之威亦使後世識為臣之義勉思寬憲務蓋徃愆可責授
化州別駕雷州安置

梁燾安置制

同上

誣君欺天罪孰與大背公死黨法所必誅降授左中散大夫守少府
監分司南京鄂州居住梁燾嚮附凶渠擢在諫議陰與于壻構造邪

謀詆誣先朝擠陷舊弼毀棄成法薦引群凶躡居丞轄之司共成根
柢之勢雖圖薄責未稱明刑授以散官投之遠裔徃其惕厲服我寬
恩可貴授雷州別駕化州安置

范純仁責散官安置制

同上

附下罔上國有常刑定罪原情人無異罰其中邦憲以警官邪降授
通議大夫知隨州范純仁立異以邀名匿情而趨利習用小夫之私
智專為流格之原人始議親稱則構誣於英祖晚言變法則歸過於
先朝欺君以助邪謀弃地以聞邊隱陰連群枉協濟凶渠躡處要權
盜持威柄附會一意挾持兩端迄用攀援遂尸宰輔乃復肆言慢上
熒衆朋姦忘未正之典刑沮已行之命令僅從薄遣久遠嚴誅苟其
獲免於終身何以示懲於後世寘之遠服授以散官尚體寬恩蓋思
自訟可責授武安軍節度副使永州安置已令所在差職官或監當

官一員伴送前去絡過州軍交贊仍仰所差官常切照管不得別致
疎虞

劉奉世分司居住制同上

親上尊君人臣之義懷諛迷國罰其可逃端明殿學士中大夫知成
都府劉奉世曩由小官附會姦黨密布心腹躡據要途居職則有威
國摩命之着奏疏則為藏姦苟免之計凶險檢校莫汝與儕有司失
刑衆論未允宜褫近職分務別都卿示創懲毋重尤悔可落端明殿
學士依前中大夫行光祿少卿分司南京彬州居住

韓維落職降官制同上

附下周上國有常刑定罪厚情人無異罰其申邦憲以警官邪資政
殿學士太子少傅致仕韓維拱偽以干名抱虛而取進狗俗之意愚
不可移明姦之心老莫能革爰自初政寔登近司首贊邪謀厚誣先

烈以抑蕪并為繁禁以振負既為利心恣引親私助成姦慝遽因賜
玦遂逼掛冠退有餘辜罰難幸免雖比從於薄責寔久拂於公言褫
秘殿之崇資裁文階之峻品尚仍顯秩俾即故居益體寬矜勿忘循
省可落資政殿學士特降授左朝議大夫致仕

王觀落職分司居住制紹聖四年二月癸未

背公營私罪在不赦附下周上罰其可逃寶文閣直學士朝散郎知
河陽府王觀資賦險回善於原俗附會姦黨毀刺先朝挾家連章取
必君上變亂法度擠陷善良章疏具存罪狀甚著失刑之久衆論不
平未寘深刑聊褫近職仍從分務尚體寬恩可落寶文閣直學士依
前朝散郎守少府少監分司南京通州居住

韓川等分司居住制同上

朝請郎新差知郢州韓川朝散郎新差知道州孫升朝散大夫監潭

州衡山南嶽廟呂陶頃者大姦舊惡相繼擅朝而爾挾忿徇私為之
死黨竊據要路肆言先朝造訛興詆無所忌憚巧詆法度以遂更變
之謀歷排忠良以虛願託之任分權立黨協濟凶邪自求直名歸怨
公上積心至此議罪謂何嚮務於容止從降黜僉言久鬱夙負愈彰
既未足慰在天之靈又莫能為垂世之戒俾分留務仍處善邦往服寬
恩勿貽後悔川可依前官尚書也田員外郎分司南京隨州居住升
可授依前尚書水部員外郎分司南京峽州居州陶可授依前官尚
書庫部員外郎分司南京衡州居住

王存轉右正議大夫致仕制

紹聖四年二月丙辰

執政舊臣告老謝事者恩典禮數雖有故常而隨事重輕容或有異
資政殿學士大中大夫提舉江寧府崇禧觀王存曩由方望被春先
朝而元祐之初論事附會朕惟優禮舊輔不汝疵瑕躡進崇階聽其

居里爾尚體朕終始恩遇思所以為報之義可特授右正議大夫依
前充資政殿學士致仕其蔭補恩澤并陳乞恩例各只與一名

呂公著追貶散官制

紹聖四年二月丙辰

為臣不忠罪不可赦居下訕上誅及其朋矧惟凶慝之尤當明身沒
之成故司空同平章軍國事呂公著資賦陰險世濟姦回盜竊虛名
昧冒休寵擢贊樞府寔自先朝迨予纂承躡待宰柄而乃協濟元惡
為之主謀力引群邪布列庶位謗讟前烈變亂舊章厥罪貫盈已死
難置宜從追貶易以散官雖竄極不及其生而懲創可垂於後是維
公議用告幽明可特追貶建武軍節副度使

司馬光追貶散官制

紹聖四年二月丙辰

不道之誅莫先訕上無君之惡尤在擅朝罰不及身死有餘責宜加
追貶用示創懲故正議大夫守尚書左僕射兼門下侍郎司馬光資

詭激之行以盜虛散挾矯誣之言以惑愚眾逮事昭考既濟顯塗尚
何怨仇乃積忿毒粵朕初政肆其宿姦陰結中人驟竊宰柄倡率不
逞詆訾先朝援引群凶變更良法潛懷睥睨之邪計欲快傾搖之二
心長惡弗悛除殃自及而位存公相澤被子孫使其冒國家之繆恩
何以為臣子之大戒雖逃顯戮當置散員改命九原正名萬世庶幾
幽顯知有典則可特追貶清海軍節度副使

王巖叟追貶雷州別駕制

誤朝之慝力引群姦附下之誅宜加首惡生逃顯戮死有餘辜典刑
所存朕不敢赦端明殿學士左朝奉郎王巖叟資愷巧之智而濟以
敢為挾凶邪之權而為之死黨厚誣先帝愚弄朕躬力贊邪謀陰懷
異志凶德參會愷言肆行廢法度於已乎憚勲勞於必死罪惡累著
鬼得而誅雖嘗示於小懲願未協於公議朕從散秩追正明刑非獨

致朝廷之公將永為臣子之誠可特追貶雷州別駕

范純禮趙君錫馬默落職居住制

為臣之義戒在朋姦干國之刑理難縱罪左朝議大夫充天章閣待
制提舉亳州明道宮范純禮朝請大夫充天章閣待制提舉亳州明
道宮趙君錫朝請大夫充寶文閣待制提舉南京鴻慶宮馬默頃在
初政嘗躋近班懷藉勢乘權之心起背公死黨之計傳會邪說專為
悅諛挾持險謀共濟凶惡夙負欺君之責久逃附下之誅無以昭姦
公論甚鬱宜從降黜用示創懲益體寬矜勉思飭勵純禮可落天章
閣待制依前管勾亳州明道宮蔡州居住君錫可落天章閣待制依
前管勾亳州明道宮本處居住默可落寶文閣待制依前管勾南京
鴻慶宮單州居住

顧臨落職居住制 同上

明罰勅法者人君之要務附下罔上者人臣之大刑苟公論之未平
宜明罰之申用朝散大夫天章閣待制知歙州顧能俯會出黨力被
薦論屬緣洞察於姦謀不使起解於近列迨司留鑰復結罪閣雖因
人言嘗從貶秩責輕罪重衆不謂宜聊褫延閣之名尚假祠宮之任
益思補報體我寬恩可落天章閣待制依前官管勾洪州上陰觀饒
州居住

范純粹落職居住制同上

附下之姦為衆所惡刑故之義乃邦之常公論弗容朕何敢赦降授
朝散郎充寶文閣待制知滑州范純粹傾邪險詖出於天資反覆導
諛志其父志兄弟倡和協助姦凶變先朝拓土之功成一時蹙國之
議嚮從薄責聊示懲承之邊州旋復舊職失刑既久公論未平宜
褫延閣之名尚假祠觀之任體予寬貸益務自新可落寶文閣待制

依前官管勾江州太平觀均州居住

孔武仲落職居住制同上

害正趨邪衆所共惡交私合黨罰可不懲朝散郎充寶文閣待制知
宣州孔武仲頃由遠官召置臺閣所會姦黨躡處要班逮予親政之
初敢為怙終之計失刑既久衆論未平宜褫延閣之名假以祠親之
任尚其惕厲服我寬恩可特落寶文閣待制依前官管勾洪州玉隆
觀池州居住

王汾落職依前官致仕制同上

循分守常為臣之義抵巇射利罰其可逃中大夫充寶文閣待制致
仕王汾早以凡才濫居儒館元祐之際附會詆欺衆論誼聞罪狀明
白有司失按衆論未平宜褫延閣之名俾仍居里之逸其益猶省服
我寬恩可落寶文閣待制依前官致仕

王欽臣落職居住張耒落職監當制同上

朝請郎充集賢殿修撰知饒州王欽臣承議郎直龍圖閣管內亳州明道宮張耒為臣之義戒在朋邪于國之刑理難縱罪爾因緣姦黨躡處要班挾持詭謀鼓煽凶敵夙負欺君之責久逃附下之誅無以昭姦公論猶鬱宜從降黜用示創懲益體寬矜勉思飭勵欽臣可落集賢殿修撰依前官勾江州太平觀信州居住未可落直龍圖閣依前官添差監黃州酒稅

呂希哲呂希純呂希績分司居住制同上

朝奉大夫權知太平州呂希哲朝奉大夫知歸州呂希純朝請大夫管勾亳州明道宮呂希績爾父公著當元祐初竊據宰司毀黜先烈變亂法度罪惡貫盈而爾等方其父時則假國威靈為已門閥及大防用事則密投凶黨賣鬻利權並以庸材因致美官最後希純竊掌

詞命公肆欺誣每虞正路之開通務在多方而塗塞宜悉從於取秩或仍俾於分司庶無輕重失當之刑及夫幸免失刑之士希哲可特降授朝奉郎尚書虞部員外郎分司南京和州居住希純可降授朝奉郎尚書屯田員外郎分司南京金州居住希績可降授朝請郎差遣依舊光州居住

姚勛分司居住制同上

奉議郎管勾杭州洞霄宮姚勛嚮附凶邪為出死力沮害良善助成姦謀雖示小懲未厭公論且從分務即稱明刑益自省循服我寬貸可依前官守尚書水部員外郎分司南京衢州居住

吳安詩散官安置制同上

降授朝請郎均州酒稅吳安世頃者群凶聚慝繼踵擅朝爾以邪朋竊處諫列鼓扇凶敵傳會邪謀逞宿憾以擠勞舊之臣構險語以叶

傾搖之議遂以墻面濫侍經筵超躐等夷根據要路暨予親政復爾
怙終代行訓辭借譽嘉黨雖嘗加於薄責猶未正於嚴誅黜副州團
置諸遠服益思自訟無重後警可責授濮州團練副使連州安置

晁補之落校理監當制目上

承議郎充秘閣校理通判亳州晁補之爾暫以險邪之資力附姦惡
之黨表裏倡和附遺諛特見稱於凶人遂竊處於清貫失刑既久
衆論未平即褫職名俾司筦權尚其惕厲服我寬息可落秘閣校理
依前官添差監處州鹽酒稅務

文彥博降太子太保致仕制

紹聖四年二月甲申

行訛上之逆者不赦挾無君之心者必誅邦有常刑人難莫罰河東
節度管内觀察處置等使太師開府儀同三司太原尹致仕上柱國
澁國公文彥博色厲而荏行偽而堅備公師於三朝史將相者四紀

曾靡云報尚何所仇敢乘間以抵讎遂行險以僥倖頃遭家之不造
謂貴老之可詢起於閭里退居之中付以軍國平章之重忘我大德
肆其忿心初迷國以懷讓終朋姦而善背以理財裕民之政為暴刻
箕斂之科以經武斥地之勲為寇攘草竊之計於父子之間而不忘
在君臣之分而敢仇朕祇若先猷適追來孝永念垂裕流光之烈志
資除苛解繞之言戴天靡容踏地太息有臣若此於義可乎既久益
彰欲止不敢猶以其瞻之故老假其垂盡之餘齡止解師垣仍還將
鉞庶消群慝併示至公於戲明罰正刑永為垂世之誡彰善瘴惡上
慰在天之靈往祇乃心無重來悔可落河東節度管内觀察處置等
使開府儀同三司太原尹特降授太子少保致仕依前澁國公勲封
食邑實封如故

體前修以禪初政而乃助誣民之孚說行感倒之非謀方正典刑欲均罪罰朕追奕世勲勞之舊念累朝眷遇之隆難奪公言稍從薄責尚申中山之重任止裁秘殿之崇資益示矜容勿忘循省可依前官降充資政殿學士

鄭雍落職制 紹聖四年閏二月壬辰

砥節首公人臣之義交私害正罪罰有常經言既同朕不敢置資政殿學士太中大夫知大名府鄭雍頃由附會得列言官乘時抵巇驟至承轄助成姦慝無補事功雖罷政機尚蕪近職方申明憲姑示小懲默其故官仍司留鑰是惟寬假益務省循可特落資政殿學士依前官差遣如故

安燾落職制 紹聖四年閏二月壬寅

法從貴始將以正刑罪與衆均難於異罰觀文殿學士左正議大夫

知鄭州安燾親逢先帝歷真顯塗職為近密之官身在受遺之列既聞未命當守初心而乃特祿保躬協謀感國依憑姦黨為已助留誣蟻勞臣隨時擠陷上辜寄託久負謹何向捨往愆復還近輔尚敢飾非構異撓政徇私無助修前烈之心有黨援衆邪之迹朕明典刑以懲後世推恩義以待舊人難抑僉言稍從薄責去待班之峻職仍輔郡之善藩益思省循勿重尤悔可特落觀文殿學士依前官差遣如故

葉濤罷中書舍人依前官知光州制

朕於庶言惟正之聽苟懷險詖難廢典刑奉議郎試中書舍人同脩國史葉濤屬自小官擢掌誥命而乃附下周上背公立私陰懷姦黨之恩嘗為害正之計力沮已行之謫命飾以游詞欲收異意之小人翕然歸已無所忌憚肆其悍凶議罰論心宜加重黜祇從罷職仍俾分符尚體寬恩毋忘循省可特罷中書舍人依前官知光州

王珪追貶萬安軍司戶參軍制

紹聖四年四月丁未

臣無貳志戒在懷嘉國有常刑議難逃罪其申後罰以正徃愆故金紫尤祿大夫守尚書左僕射兼門下侍郎贈太師王珪竊文華之上爵躬柔險之政行馴致顯位遂居家司先帝優容臣隣務盡禮節掩覆瑕慝多歷歲時卹山之思毫髮未報屬在彌留之際是謂憂疑之時欲豫安於人心當蚤正於國本矧復昭考與子之意素以著明太母愛孫之慈初無間隙而乃妄懷窺度專務媿阿指朝廷為他家用社稷為私計同列誚結久無定言陰持兩端不顧大義僅免生前之顯戮更叨身後之餘榮公議勿容舊疏具在返覆叅驗心跡較然使其免惡於一時難以示懲於萬世貶從散秩追正誤恩庶令官邪咸知警憲可特追貶萬安軍司戶參軍

范純粹落待制降一官直龍圖閣知延安府制

具官某惟先皇帝運神武之智選將免卒以經理疆事願復漢唐之故壤使環邊之民奠枕內地其惠澤茂矣屬者或首為棄地之請而邊將雷同隨散是非益啓敵心貪冒不已此而不懲何以正法爾純粹昔荷厚恩驟膺閭寄數陳邊事每見推稱而嘗輒誕謾剡章具在阿於所附首尾異同煩言其興衆不可蓋然朕方待物以恕庶幾覆過以功褫職免官聊示薄責尚聯禁閣還帥舊藩爾其夙夜洗心永悼厥咎勉圖來效以稱異恩可

修撰唐義問責授團副舒州安置制

具官唐義問慶賞刑威以馭功罪要在當理朕不敢私爾才無他長每懷觀望阿附時議請棄渠陽生事蠻僭專領措置無復策畫惟肆誕謾公檄私書明譽將佐陽為聚犒之狀收錮自歸之心俾於中宵潛師逃遁委棄儲械陷沒居民兵夫奔馳類遭屠害猶復具奏恚曰

無傷竊賞冒官自謂得計言章交上按劾具明黜副州團尚從寬典其務循省無重悔尤可

李清臣落職制

元符元年七月己巳

朕推賞罰之公以信天下願雖責近朕所不私資政殿大學士右正議大夫知河南府李清臣頃在西省寔預政機宰臣蔡確以忠貶死朕每哀焉其母嘗具元祐大臣姦逆之謀叩閣奏陳副上公府爾為國腹心義當憤疾而乃絀閑不以上聞屢致人言罪奚可道姑奪近職尚俾居留往體寬恩勿忘循省可特落資政殿大學士章惇安燾鄭雍並特放罪

黃隱散官安置制

元符二年四月甲午

朝奉郎水部員外郎分司南京睦州居住爾以諸生常被先帝拔擢不思圖報厚恩而待使元祐託附姦黨非毀法度偷合取容雖分務

於別都未克諧於僉論黜居散秩投置遠邦勿增愆尤宜重循省可特責授平江軍司馬南安軍安置

陳次升罷職遠州監當制

元符二年五月戊辰

朕因閱元祐臣僚所上章疏得陳次升任監察御史日一二章奏觀其微意極甚姦邪附會權臣詆毀先政如張官置局許之訴理其用法過重事涉冤抑情可矜恕皆得伸雪已而乞放上供封椿錢物不致過有誅求而民無騷擾之患之語朕嘗念容其過庶使自新畀以諫職復敢狃習故態觀望言事多不中理久居其位殊無小補可罷職與遠小監當差遣添差監全州鹽酒稅

故追貶建武軍節度副使呂公著追貶昌化軍司戶制

紹聖四年二月

勅量罪加刑有國常典為臣背義雖死必誅以爾被遇先朝擢居樞府迨予纂服復任宰司宜竭忠謀協贊王室而乃廢體國之大義忘

事君之小心陰結姦臣私懷異意訛謗先烈變亂舊章積惡終身久
益暴露孽是自作刑難幸逃雖嘗示於小懲尚未符於衆議是用追
貶嶺表降秩州掾庶期幽顯知有所畏可追貶昌化軍司戶參軍
故追貶清海軍節度副使司馬光追貶朱崖軍司戶制同上
勅爾以詆誣宗廟迷誤朝廷沒有餘辜死未塞責久稽罪罰近正典
刑而隱慝愈彰公言難掩嘗與凶黨寔藏禍心妄引宣訓衰亂不道
之謀僭諭寶慈聖烈非意之事興言及此積慮謂何雖免嚴誅載加
貶秩庶幾來世永有創懲可追貶朱崖軍司戶參軍

劉奉世降團副安置制

勅刑以正罪責不失宜既荐至於人言難獨安於邦憲中大夫守光
祿卿分司南京彬州居住劉奉世回邪險譎出於天資傾附老姦助
成大惡建國不道愈久益彰念嘗俗於近同故未泐於顯黜憲臣論

奏引義甚明俾副兵團少慰公議勉自循省毋重悔尤可責授隰州
團練副使依舊彬州安置

陝西運使關令降一官制

勅朕惟先帝明法慎罰欽恤庶獄簡孚閱寔可謂至公元祐權臣置
局訴理陽為釋寬陰欲斂舉而汝昔蹈罪戾且益循省乃乘此時自列
無辜信如所說政刑謂何有司以聞法不可貸黜官一等卿示誠懲
朕以仁恕待士大夫可謂至矣汝其念之

朝請郎知南京邢恕降承議郎知南安軍制

勅朕勵精庶政方以辨白是非判別忠邪為首務士有險薄反覆詭
訐不情且寘明刑用昭公議以爾頃在先朝嘗論時政以直斥去坐
擯累年與司馬光晚被收擢遭逢元祐千載一時並用忠良全去弊
蠹指權臣為德望譽姦黨為正人不辭超擢之名自任紛更之事逮

予觀政丞首前言蒐慝任情僥倖寵利希合附會莫汝甚焉此而不懲何以為誠黜官三等往守小邦尚體寬恩益自循省可

使制

朕惟熙寧元豐之間法度彰禮樂著刑罰輕重有倫有要元祐置局以名訴理凡抵罪戾一皆釋之爾蓋為言官當以禮義論列其失乃求益寬期限云欲術寬之人皆得洗雪覽觀舊章法不能怨即申明罰俾副州團蓋思省循勿重尤悔

奉議郎知陝州降官制

朕念烈考惟刑之恤法之輕重顧義所在未嘗私也元祐訴理凡有罪慝類皆除之爾乘時抵巇以為傳致鍛鍊以就深刑此為何言敢以聞上聊奪一官尚示矜恕益當循省以服寬恩

奉議郎新監衡州酒稅王旂降通直郎添差監潤州織羅務制

爾父以獎激妾人得罪先朝爾乃稱寬自列于時元祐訴理之時奏章其存臯不可赦罷董漕運出臨權酷示為寬矜免真重典更緣親請不遠重行聊奪一官益思感勵

中散大夫知熙州孫路降一官制

勅安邊以仁義為本內有以拊和人民外有以輯治軍旅此將帥之臣所宜先也其位某久以才選實踐間寄比緣營造務濟一時官本儻車乃出抑配重困民力夫豈朕心姑黜一官尚責來効往其循省毋重悔尤

趙令燦降兩官知廣濟軍制

朕方柄賞罰以信天下不敢以私恩而撓公法雖室宗吾所至厚也或蹈罪戾亦不得以私而貸焉汝擢自先朝浸更任使俾長太僕寔

典收租子妖誕謾關心規利而汝既乘訓導又失檢防其用責守軍
麾點官二等往其循省服我寬恩

孫覽降兩官差遣依舊制

勅都邑浩攘之地禁戢姦盜固不可緩苟或牧養無術專為散威立
使愚民斃於桎楚何以副朕慈惠愛人之仁乎朝請大夫寶文閣待
制知河南府孫覽比繇材選起自貶中居守洛師任屬甚重為政當使
嚴而不殘廼峻鞭笞輕視人命雖志在疾惡欲示誠懲然使民不犯
殆不如此降秩二等姑仍舊服奉德循理尚收效於將來可臣僚上
南府係覽今年二月二十六日到任為見本府舊多賊盜意欲嚴行
斷絕每有諸處解賊盜並當面令兵士三王人搜往令節級兩人雙
行刑棒打少三五多餘人例被當前橫打內十名限內身死三
送同奉聖旨
省覽云云

孫路落職知興國軍制元符三年正月

勅責唐致亂舉國來歸王膽擣虛直據巢穴一失機會乃貽後艱寶
文閣直學士左朝議大夫新差知成都府孫路總制河湟身當閭寄
偏裨進退號令是從宜張應援之兵以成破竹之勢而乃追還士馬
聽用讎言致生狼子之心遂肆蜂蟻之毒跳梁出沒久未克寧考按
不誣誰執其咎宜削西清之職遠分小壘之符繼往戒來以昭邦憲可

文及甫落職制三月甲申

勅朝奉郎直龍圖閣權發遣陝府文及甫夫君子於言蓋無所苟若
進退靡據何以逃刑爾服儒衣冠備位臺省而指人不順至形翰墨
使其有實胡不以聞無寔而言何異誣罔用心若此忠信何在論者
所以欲正爾之罪而朕以其數更恩宥姑示含容視職守著尚為寬
典徃自循者毋重悔尤可

給事中劉拯罷給事中知濠州制元符三年四月二十三日

彰善瘴惡所以勵俗舉直錯枉乃能服民朕臨致之初大判淑慝左
右前後必皆端良豈容儉人尚據要近具官某識趣凡陋資稟陰邪
無奉公守誼之心有朋黨善正之迹誨事觀望志在阿私出言險膚
情寔偏係質之僉議蔽自朕心未正典刑尚分符竹聊示周行之戒
以沮諛夫之昌體皆寬恩徃自循省
刑恕落職分司制元符三年六月丙午
勅忠邪辨則內外肅是非公則勸沮行有國之經朕何敢廢朝散即
充龍圖閣待制新差知荆南府邪恕師縱橫之術倡浮偽之辯不思
守道以來福惟知行險以僥倖滅否在口憎愛由心敢為虛詞以誤
朝聽廼者司馬光呂公著輒詆先烈輕變舊章著夜劄詞以正刑典
用此舊罪不為無名而爾操心傾危雅意附會構為飛語上累宣仁
既非親聞且無證左完其所自皆出不根使光公著被凶悖之名蒙

竄殛之罪欺天誤國職爾之由矧爾於彼二人實門下士借譽引重
恩誼非輕一旦龔然遽為讎敵擠之下石孰謂虛言今朕既申彼之
寬還其爵秩則爾罪惡何詞以逃黜貳尚方徃分留務不獨示朕辨
忠諛公是非之旨亦使自今傾側反覆之士知所戒焉朕恩甚寬爾
尚知悔可特落龍圖閣待制依前朝散郎守少府少監分司西京均
州居住

宋陳大誥令集卷第二十一

宋陳大誥令集卷第二十一

宋陳大誥令集卷第二十一

宋陳大誥令集卷第二十一

宋陳大誥令集卷第二十一

宋陳大誥令集卷第二十一

宋陳大誥令集卷第二十一

宋朝大詔令集卷第二百一

政事六十三

貶責八

熙河第三將許良肱降官制

勅西方罷兵休養士卒慎固封守乃吏之且爾信縱邊人侵擾塞外
彼有辭訴復庇不言雖更沛恩罪固難追降官一等聊示小懲益務
省循無重後悔可

安惇落職制

元符三年七月丙戌臣僚言前廣東運判鍾止
甫頃在本路親往新州追攝前諫官鄒浩根勘
遺新州所劾試御史臺羅織之獄萬里相應乞
令正甫供其所承御史臺文移如何指揮本路如何奉行云
安惇落職云云

勅中憲之任肅正紀綱糾繆絕愆時惟稱職儻懷阿附誣陷忠良國
有典刑罪焉可逭朝奉大夫竇文閣待制知潭州安惇自更器使碌

碌苟容被過先朝俾司邦法不思畫節期報異恩遽興羅織之文荐
構搢紳之禍言官得罪猶無禁約爾連章窮罪逮捕無辜凡所經由
復加推究若非大沛枉濫滋多慘刻若斯實駭聞聽夫親戚故舊急
難相明人之常理會是弗願肆爾姦心朕雖舍容眾不爾貸特褫近
職尚仍舊藩益自省循服我寬典可

陳瓘罷司監添差監揚州糧料院制

元符三年九月辛巳聖旨承議即右司諫陳瓘

上章真言皇太后尚與政事所論皆虛誕不根

可罷右司諫依前承議即添差監揚州糧料院

勅諫省之官以言為責達于予聽當有據依儻肆誕誣曷可容貸爾
早有材譽朕所東求不能靖共以營厥職輒形剋奏言涉不根妄議
恣闡姑從顯絀往務循省服我寬恩可

章惇貴授武昌軍節度副使潭州安置

元符三年九月己丑

勅依勢作威法所不赦懷謖迷國罪何可逃用明去惡之刑以謹為

臣之戒具官某處心收忍賦性陰邪自我先朝超居上宰為之不置
次輔所以責其成功眷遇之勤可謂至矣當思夙夜以盡忠嘉而乃
恣其凶暴之心靡有弼諧之助先皇帝天資仁孝勤儉愛人每形德
音具見惻怛及爾輔政肆行誕謾凡陳開導之言無非殺伐之事陰
挾仇怨妄肆中傷或稱謀危上躬或託謗訕宗廟擯除禁近視若孤
厥排斥搢紳棄如斷綆投之荒裔肯與生還存者恚為囚徒死者不
得歸葬教更沛宥莫或叙收廢格上恩竊弄威柄援引姦黨布蒲要
途造作語言更相倡和有司觀望慘刻成風殺伐無辜道路以目乖
氣致異上天降凶水旱連年民靡寧止爾之罪惡滋以貫盈自古姦
臣未有爾比近從薄責尚守大藩人言沸騰交達予聽國有常典宜
即嚴誅尚示寬恩俾之遠竄益務循省無重悔尤可

龔原罷給事中降兩官知南康軍制

元符三年九月壬辰

勅給事黃門駁正違失朕所委任固亦不輕儻懷異心有害國政弗
加顯黜何以示公承議即試給事中兼侍讀龔原儒學知名常被識
擢荐以罪廢多歷歲年朕初御圖召自藩服寘之禁從仍侍經惟弗
公厥心委議政事為臣若此朕何賴焉降秩守廡尚為寬典往其自
省無重悔尤可

蔡京落端明殿學士提舉杭州洞霄宮制

元符三年十一月庚午

勅朕紹庭上下陟降厥家小大之臣成以公選端人吉士寘于周行
衆正之路方開君子之風復長則昔之朋邪害政者朕將懲焉具官
某擢自神考際會泰陵上緣翰墨之華起居侍從之首為惡直醜正
之行捨奉法首公之下

力馬河數百里間費予邦財四十萬計地變陸海利入私門無魯相
拔葵之風有漢臣專利之橫煩言荐興按驗不誣大臣若此私咎將
誰執尚以久從左右姑務含容止鑄秘殿之華資往即祠宮之休使
盡思內訟固歸後艱可

林希降職知揚州制

左右禁近義當一心儻或朋姦朕不敢赦資政殿學士通議大夫知
大名府林希早以才譽嘗列詞垣當悖擅朝曲懷阿附每形書命公
肆誕誣掩宣仁聽政之明蔽永奏知人之鑒言章亟至寔駭予聞事
上若斯有愧朝列不有降黜人其謂何特示寬恩稍從薄責尚假維
揚之重鎮止裁秘殿之崇資性體矜容無忘循省可特授前官降充
端明殿學士知揚州

林希落職知揚州制

朋姦害政國有常刑屈法申恩士有異論宜昭典憲用儆官師資政
殿學士通議大夫知大名府林希假竊王言醜詆多士附會宰輔變
亂是非傳播四方靡不憤疾朕春禮禁近姑務含容罪大責輕衆不
汝貸言章繼至連予聽聞謂爾用心勗為犯義宜褫近職尚領藩符
體我寬恩益自循省可特落資政殿學士依前通議大夫知揚州

蔡卞落職提舉杭州洞符宮太平州居住制

賞罰明則朝廷尊忠邪辨則遠近肅懷謾迷國法所不容醜正背公
罪烏可貸資政殿學士左正議大夫知江寧府蔡卞早被識擢荐歷
要途爰逮先朝遂與幾政莫效匪躬之節惟存罔上之心援引姦回
竊據要近已所不喜指為姦朋構造語言陷害忠直擯斥流放禍及
子孫恣刻之風寢以成俗忠厚之政有愧於時朕初繼承姑務含貸
俾分符竹以復爾私罪大責輕難屈公議特褫近職仍領真祠往其

省循無重悔尤爾自連戾匪朕無恩可特落資政殿學士依前提舉
杭州洞霄宮太平州居住

蔡卞降官守少府監分司居住制

王道不平率由比德國家之敗常以官邪矧身位疑丞心懷險詖自干
清議非朕敢私左正議大夫提舉杭州洞霄宮蔡卞早以時才亟躋
通列不能勵行以砥節專為醜正以分朋羽翼腹心借先烈以籍口
摺據章奏竊國命以報仇媚疾善良肆加誣讒盤結根柢惟務中傷
跡其用意之不減皆非先帝之本旨姑從薄責俾領祠宮公論沸騰
典刑安在貶秩數等分務別都服我寬恩無重尤悔可特授中大夫
守少府監司 南京池州居住

曾布廣州司戶制

宰相之任所以儀刑百辟表正風俗苟或自弛匪曩邇貨遠義挾私

淪爰害于政事貴成之旨不亦悖乎責授賀州別駕衡州安置曾布
久秉樞機進宅端揆陰縱諸子交通路遺流言沸騰彈章交上疑駭
朕聽嘗試辨之簡字靡竟狼籍斯得覓牘無然重竄荒裔薄示褫
荆尚姿故居愈其省循服我寬宥可特責授廣州司戶叅軍負外置
依舊衡州安置

李昭玘特降一官罷起居舍人與外任差遣韓粹彥降一官

容霖降兩官制

勅具官某等朕惟虞主之設所以迎奉欽聖憲肅皇太后之神以嚴
祭享而致孝思者也爾等既聯厥事乃忘敬恭授受之時曾不省察
閱寔來上爾罪甚明先後重輕隨以降秩徃其惕厲服我寬恩可
率府率添差監隨州酒稅王厚責授賀州別駕柳州安置制
勅具官某朕惟祖宗以來仁覆天下固無此疆爾界之別間或與

師問罪亦以義濟仁而已非造兵而嗜殺也爾以選拔為將曾不是
思而乃深入青唐蹂躪族部私其寶貨禍及無辜怨結人心動傷和
氣按章來上深駭予衷儻不明正典刑何以厭塞公議黜居散秩竄
隸遠邦尚體寬恩勿忘循省可

張商英降知蘄州制

朕惟古者君臣之義咸有一德克享天心則懷貳以事上者不容於
先王之時通議大夫新差知亳州張商英遭遇神考寔階清華適
當紛更遽易操守作為詞翰輒肆詆誣乃明元祐之姦類出訛上之
語比加薄責未厭公言易守偏州庶知自訟祇寬服典無重悔尤可
特授依前官知蘄州

李南公落職制

朕惟哲宗皇帝紹休繼體臨制萬方十有五年德澤深厚登祔廟室

詔祝安靈宜致隆高以嚴祀而有司失事製或愆棄禮慢神朕何敢怒龍圖閣直學士降授朝散大夫提舉西京嵩山崇福官李南公被遇泰陵擢參法從崇資要秩出入顯榮逮啓堂筵賓專修奉而減于憲度鼎俎弗容無復建明職為觀望背恩阿勢既久乃彰姑褫直於河圖尚即安於閭里體予優假無怠省循可特落龍圖閣直學士依前降授朝散大夫致仕

王襄降官制

懷諷引類當宜嚴科貪寵傷廉尚循曲學究觀罪戾亟正典刑中大夫提舉西京嵩山崇福官王襄稟權譎之資挾怪迂之術內朝薦士潛推方伎之流廣坐延賓頡鼓陰陽之說頃從罷斥宜務靖共輒叩妄庸猥圖召擢致誦言之可畏始劾奏而上聞連逮獄辭震驚物論爰及按兵之將併彰受謁之辜有玷蕃宣何施願面朕方明罰勅

法惡術數之惑民爾寔廢人談天徇姦邪而抵禁褫官二等棄戒百工尚體寬矜勿忘省循可特降中散大夫差遣如故

蔡肇落職官制

珥筆近班剖符名郡苟虧端慎曷副倚毗朝請即充顯謨閣待制知明州蔡肇賦性傾邪持心輕傲登入真儒之室樹有虛名晚登姦常之門肆聞醜語頃從滄洗驟涉禁嚴顯結凶渠陰搖善政懷諷觀望敢形頗僻之詞列職清華猥玷承宣之寄載披彈疏灼見禍心鑄待對之寵名伴省愆於真館向思寬貸毋重過尤可特授依前官落顯謨閣待制提舉杭州洞霄宮

曾孝序落職知袁州制

職聯禁近當知事上之忠任重藩垣盍識尊君之義朝議大夫充顯謨閣待制知潭州曾孝序頃分符竹宜守詔條內撫兵屯寔專於師

帥外招徠洞必稟於朝廷儻號令之妄行願威權而何在鑄寵名於
內閣假事任於徧州服我寬恩勉旃自訟可特授依前官落顯謨閣
待制知袁州

穆京散官安置制

中奉大夫提舉華州雲臺觀穆京厲世之風莫先於廉恥事君之義
尤戒於誕謾爾頃以庸才超居大匠餽馬武夫之手陰詐薦論售金
屬吏之家虛張勝契逮從罷免曾後省循挾詐叫閹包看對獄究觀
情狀灼見姦污聯侍從而列藩垣朕之待爾者固常厚矣徇貪婪而
肆欺罔爾之事朕者寧不愧乎宜真散員姑授善地勉思寬假毋重
過尤可特責授唐州團練副使隨州安置

周彥質落職制

奉議郎直秘閣周彥質爾備員漕臣初乏心計玩習詔令視為虛文

宿通所償獨後諸路究觀曠慢宜示痛懲鑄職褫官遠投筦庫毋忘
惕勵以贖往愆可特降授宣德郎落直秘閣

孫義叟降官制

承議郎守尚書刑部員外郎孫義叟頃膺郡寄當撫兵屯廼強糴以
據教仍取償於煮井既虧國體尋致人言宜貶秩以示懲其先心而
思咎可特降授奉議郎守尚書刑部員外郎

許光凝降官制

剖符治郡職在承宣或組牧民義當撫鎮朝奉大夫降充顯謨閣待
制知河陽府許光凝頃繇法從出守使藩偶大弊之更張方小民之
扇惑招條具在有味推行剽敎交興初無彈壓茲原情而定罪特貶
秩以示懲尚體矜寬勿忘循省可特授朝請郎依前降充顯謨閣待
制差遣如故

路瑗罷少卿制

朝奉郎守衛少卿路瑗寺卿之貳朝著甚高願匪端良曷膺棟拔爾以耄昏之晚節負貪猥之醜名按舉外臺失選士任人之寔典祠華省之首公率職之虔以至兢賜茗於楚庭較餘金於齋館廉散靡著彈疏荐聞宜罷直於周廬尚叨榮於支郡勉思恩假毋重悔尤可罷衛尉少卿

張閱等降官制

降授通直郎權發遣京畿提點刑獄公事兼提舉保甲張閱降授閤門通事舍人提舉京畿保甲兼提點刑獄公事賈君文等部使者以糾察吏治為職况按刑之司在畿甸之近乎爾等咸以時才擢將使指屬邑玩法再逸重囚爾於平時曾不兼檢察遂其已然乃始究治失刑縱惡誰之過欵褫官一等徃其循省閱可特降授宣德郎君文

可特降內殿承制閤門祇候並差遣如故

李諲散官安置制

勒停人前朝散郎充顯謨閣待制李諲誤國欺君之士大惡原情定罪邦有常刑爾賦駟僮之資挾穿齋之智交通近習黨附巨姦屢致私書屬託子壻言章亟至公論弗容曾未上於典刑輒妄陳於符瑞逮加考驗恚出厚誣為臣若斯忠義安在斤副州團之寄永為姦宄之懲可特責授唐州團練副使安州安置

張仲英等降官制

朝散郎通判永興軍張仲英奉議郎焦輝爾等並膺委寄協贊藩條不思秉義以事君輒復朋姦而妄上妄陳符瑞爾寔與謀鞠治具孚可無懲戒褫官二等徃務省循仲英可特授承議郎輝可特授承事郎

姚祐降官制

天官之貳銓鯨是司儻弗迪於官常願難逃於邦憲通奉大夫尚書
吏部侍郎同修國史充儀禮局詳議官姚祐頃繇推擇揚歷禁塗服
在選曹不思糾察黜昏舞法並緣為姦貨賂公行擬授失當逮令研
究灼見事情且從降秩之科以示曠官之戒體予寬貸茲務省循
可特授太中大夫守尚書吏部侍郎差遣如故

劉元長降官制

宣義郎大理評事劉元長禁衛立法所以致嚴宸極之奉也邇者伎
術小臣輒干大憲爾職當論議曾不是思失刑之中迺從輕比議法
如此罪將曷懲褫秩二階徃其循省可特降授承奉郎差遣如
故

張商英散官安置制

居下訕上法獨難容迷國懷謖義當共棄宜申邦憲用警官邪通
議大夫提舉西京嵩山崇福宮張商英賦性凶回稟資險復挾反
覆亂常之材有悖惡敢為之志陰比姦慝包藏禍心譏斥上及於
君親蓄憾輒形於表奏以一時之紹述不與建明謂百端之紛更
肆為非毀彈章來上輿論未厭朕憐爾緣姦作邪失計忘本祠宮優
逸何顧冒居投竄遠方尚從散秩祇思寬典毋蹈後讐可特責授安
化軍節度副使歸州安置

故責授舒州團練

州安置追復右光祿大夫呂大防特授

太中大夫故觀文殿大學士右正議大夫中太一宮使范純

仁落職餘如故制

宗寧元年
五月庚午

勅尊主范民人臣之職其事上則不敬其謀國則不忠犯義于刑孰
大於此爾等遭時難疚身處廟堂垂簾則惟奉淵嘿退朝則妄議宗

廟紛亂網紀毀廢典常凡所用之人材靡不斥逐已行之法度靡不
變更迨宣仁寢疾彌留泰陵年已及冠而委政閣寺莫肯以復辟為
言輕視長君處之虛器推原罪惡何可勝諫紹聖躬攬萬機甫加竄
遂朕入續大服與物更新而朋邪之人適復在位甄叙眷恤靡不過
愞言路交章謂宜追改稍從裁削姑示至公尚其有知膺此明命可
故責授雷州別駕化州安置追復左中散大夫梁燾降授朝
靖大夫故責授鼎州團練副使新州安置追復左中散大夫
劉摯特降復右朝議郎追貶雷州別駕追朝奉郎王巖叟
特降授寧遠軍節度行軍馬司追貶清海軍節副追復太子
太保司馬光特授右正議大夫太子少傅致仕追復河東
節度使太師聞府儀同三司文彥博特降太子少保依前
潞國公制同

勅尊主庇民人臣之職其事上則不敬其謀國州不忠犯義干刑孰
大於此爾等遭時艱疾身處廟堂垂簾則惟奉淵嘿退朝則妄議宗
廟紛亂網紀廢毀典章凡以行之法度靡不變更所進之人材靡不
斥逐以道聽塗說施之政事而不恤於民情以朋比諂諛自謂諒直
而固藉於士論蓋內懷怨望好勝遂外而忘君臣之義惟原罪惡其
可勝誅紹聖躬攬萬機首加竄逐朕入續大服與物更新朋邪之人
適復在位甄叙眷恤靡不過愞言路交章謂宜追改稍從裁削姑示
至公尚其有知膺此明命可

故朝奉郎蘇軾降授宗信軍節度行軍司馬制同

勅爾蚤繇藝文擢真儒館嘗以謗訕抵罪神考赦而不誅元祐之間
躡登華近扶持親黨鼓倡群邪肆為詆誣以逞怨望紹聖授之荒裔
聊正典刑昨乃以誤恩復還朝著推原罪惡在所當誅追削故官

置之冗散庶其黨類知所創懲可

安燾降職制上同

勅廊廟宗工義當體國或私懷怨望傾搖事功此而不懲何以厲世
觀文殿學士左尤祿大夫知可南府安燾被遇神考擢東樞衡泰陵
以其媚附元祐用事之人常加貶斥朕嗣位之始召還舊服固宜
益圖忠蓋以報寵靈而首倡姦言動搖邊計凡厥舊政務為紛更
朕體貌適臣退之以禮而未加顯黜公議靡容降職近班尚居政輔
之列朕我寬宥往自省循可依前官降充端明殿學士差遣如故

王覲降職制上同

朕嗣位之始志收放遂之士還置近列異其自新龍圖閣學士朝散
郎知潤州王覲服采于朝寔居華要而不自後悔附會如初近守藩
州未加顯責稍從貶削姑厭群言服我寬恩往自循省可依前朝

附下罔上誼動一時義所當懲亦難并貸觀文殿大學士右銀青光
祿大夫提舉杭州洞霄宮呂惠卿須緣舊弼分任帥權方于戈未戢
之秋正將士希恩之際徇名責寔宜盡公心事君以忠矧存丕訓而
乃肆形欺誕敷奏罔功遂令獎勸之方志入僥求之計開其後悔咸
以情言既罪戾之甚明在典刑而奚道姑從褫職特傳寬科庶幾臣
工自此知戒可

謝文瓘降授承議郎依前給事中制十月壬辰

勅國家外修鄰壤之好惟典掌故事是謹願雖言語儀物之末必致
明慎及於吉凶之禮其可奈乎以爾輒自從班往專使事躬行吊奠
而左右從徒自有常制更衣以入有失舊章庸正厥愆薄言示責可

謝文瓘罷給事中知濮州

朕責備適臣用嚴常憲聽任必察黜陟惟公降授承議郎試給事中

充實錄修撰謝文瓘頃以名稱亟登侍從而言者以爾反復趨附惟利之從考驗甚明士論喧沸朕雖置汝人其舍請罷職東臺一麾出守往欽成命毋怠省俯可罷給事中特授依前官知濮州

曾布落職提舉亳州太平州居住制

崇寧元年七月丙戌

勅輔弼之任職靡容私賞罰之權義無縱惡僅辜寄委雖違謹訶觀文殿大學士左銀青光祿大夫知潤州曾布被遇先朝進叅樞筭逮予續股擢貳宰衡初無純美之誠以相繼忠之志所好雖佞浮必錄所惡雖正直弗容指縱異意之人幾壞揚功之政迨其軋已始務改圖朕方虛宁仰成聽其悔過庶收後効待以不疑遂專威福之權盡引腹心之黨勢可炙手門如沸湯曾微獻替之忠屢贖矯誣之迹至使子壻縱橫市恩假託姻親密交婦女妄謂朋游之舊潛通賄賂之私坐合附下之圖更起無名之後苟知護田而障水弗思蠹國而害民開

散即降充龍圖閣直學士差遣如故

豐稷降職制

同上

勅為人臣而不知所以事君之義居祿位而不知所以為政之方以是繩之何以勝責樞密直學士朝散大夫知越州豐稷頃繇元祐致位此班泰陵察其用心屏居外服朕於在宥之始選擢不次中司八座靡不踐更而進對之間首倡異論以善政良法為可改廢以附會姦黨為時忠賢變亂是非深駭朕聽矧元豐之際嘗居言路於政事法度未嘗有所建明語默異時可見朋比出守藩翰姑遂其請而未知典刑寔鬱公議降秩內閣尚居從官往服寬恩益自循省可依前朝散大夫降充寶文閣待制差遣如故

宋明大詔合集卷二百十一

陳煥大夫知太僕寺卿文閣直學士

煥典任其職公卿將內閣尚書然百其罪實思益自前首下其前

去受未嘗有何數即請黑異和回見即力出右義解其意其謂而未

尋黨為和以骨變鼎是非罪類類朕示豐之制言身言詞於此事

空龜不效更而赴樓之間首昌異歸以善如身去然下其類如類

外此班奉刻察其因以氣氣水取類於首首之於魚獸不尤中居八

是驗之不以報責計亦直學士陳煥大夫知太僕寺卿文閣直學士

陳煥大夫知太僕寺卿文閣直學士

陳煥大夫知太僕寺卿文閣直學士

宋明大詔合集卷二百十一

政事六十四

端明殿學士中大夫提舉西京嵩山崇福宮范純禮落職依

前官差遣如故制

勅舉直錯枉為政之先黜罰所加義非得已具官范純禮頃繇闕閱

致位顯禁嘗以元祐黨人久從謹逐朕臨嗣之始還至從班曾未期

月之間躡等承弼方群邪之害政爾偈和之為多昨罷守藩為還舊

職未加顯責公議靡容聊襪近班以示懲創服我寬宥往自首循可

知應天府呂仲甫落修撰差遣依舊制
勅朕祗述先烈嘉與士大夫開眾正之路廷登輔弼兵濟事功矧異
意之人幾害吾事爾以觀望寔為朋比聊從薄罰以儆官邪可

知襄州韓川落修撰依前朝請即管勾西京崇福宮任便居住知汝州張耒落直龍圖閣依前朝散即管勾亳州明道宮制初韓川等爾昨以黨附元祐用事之人嘗從譴謫朕嗣位之始遂復收用而列職華要未厭輿言稍黜寵名處之間館服戎寬宥徃自省循可

陳次升降職制

勅朕嗣位之始悉收放逐之士還寘近列異其自新朝奉大夫充寶文閣待制知穎昌府陳次升服未于朝寔在華要不自悛悔附會如初出守藩州未加顯責稍從貶削以厭群言服戎寬宥徃自省可落待制充修撰依舊知穎州府

朝奉大夫榮咨道降授左朝散郎左朝語大夫孫亞夫降授朝散大夫朝奉郎安惇降授奉議郎制

勅爾等趙論之惡積之久矣不視其所以而褒薦之誠失於用智之弗明也聊從薄責以為天下不知人之誠服我寬典益務慎修可奉議郎試侍御史紉餘可罷侍御史依前官知南安軍制勅侍御史乃朕執法官也絕愆糾繆別白是非必當於理乃知所責矣爾比由臺屬擢貳中司謹論嘉謀有待於汝言或失當復何賴焉

朝散大夫降充寶文閣待制知明州豐稷落職依前官知常

州制

勅刑罰者聖人之所矜慎取捨重輕之際必期於當而後已比因人言凡在責籍而牽叙過優者悉銓品而裁抑之乃有差次不倫善於平直載加訂議始協厥中朝散大夫降充寶文閣待制知明州上柱國播雲郡聞國侯食邑一千二百戶賜紫金魚袋豐稷朕初纂服首

為言官屢有封章語涉譏詆比加稍黜猶處近班褫職為宜尚司民
社省愆母怠祇荷寬恩可落寶文閣待制依前朝散大夫知常州替
陳綬勳封如故

蘇轍降朝請大夫制

勅刑罰者聖人之所矜慎取捨重輕之際必期于至當而後已比因
人言凡在責籍而牽叙過優者悉銓次而裁抑之乃有脫落弗均害
於平直載加訂議始協厥中大中大夫提舉鳳翔府上清太平宮護
軍樂城縣開國伯食邑八百戶寔封二百戶蘇轍曩因朋附得罪先
朝逮予續承姑事容貸朕雖爾怨公論謂何稍黜近班猶服舊職省
愆夙夜祇荷寬恩可特授朝議大夫賜紫金魚袋差遣勳封食寔封
如故

降授承議郎充寶文閣待制知潤州王覲落職依前官知海

州制

勅刑罰者聖人之所矜慎取捨重輕之際必期于至當而後已比因
人言凡在責籍而牽叙過優者悉銓次而裁抑之乃有差次不倫害
於平直載加訂議始協厥中降授承議郎充寶文閣待制知潤州輕
車都尉永安縣開國伯食邑九百戶賜紫金魚袋王覲曩因朋附得
罪先朝逮予續承猶罔悛悔朕將爾貸公論豈容褫職近班尚司民
社省愆母怠祇服寬恩可落寶文閣待制特授依前降授承議郎知
海州

龔原落職差遣依舊制

勅稽紳之士以犯義為重朝廷之政以行法為公儻懷附下之姦難
逃刑故之罪承議郎充寶文閣待制知廬州龔原頃負釁累中懷怨
尤幸元祐之紛更籍姦臣之蔽翼抗章自列言涉不恭逮予親政之

初首冠權門之黨驟升禁從陰為腹心締結宦官傳道秘計比覽爾
臣之疏猶多隱隱之愆姑從矜宥止鑄近職往思惕勵尚體寬恩可

降授朝奉大夫直龍圖閣知齊州周鼎落職依前官知郟州
制

朕集大成之業崇丕顯之謀嘉與庶僚揚功遵制忍闡群枉改度亂
名爾進自律科宜知法守初昇貳秋官之政謂能請城旦之書乃敢
諂附柄臣傾搖先烈託從寬之邪說誣至正之典常況死者不可復
生而造者不可復續獨容流竄追使放移於理何偏乃心安在姑從
薄責未厭公言易地偏州褫職延門其加循省以體寬矜可

新差提點秦鳳刑獄許端卿降通直郎餘依舊淮東提刑鍾
正甫降朝請郎餘依舊徐彥孚降一官制

勅朕集大成之業崇丕顯之謨嘉與庶僚揚功遵制忍闡群枉改度

亂名爾頃貳刑曹宜知法守紛更之始秉執是期雖嘖嘖之黨寔繁
願諤諤之言何懼不得其官則去於道愈高始捨所學而從乃心安
在既辜廷諍剛請海行薄黜一官少安公議勉加三省以體寬恩可

朝奉郎李昭玘降承議郎左朝議大夫光祿卿向糾可降右
朝議大夫朝請郎權知曹州劉唐老可降朝散郎承議郎陳
瓘可降奉議郎朝奉大夫知蔡州歐陽棐可降朝請郎朝請
郎試大理少卿陳察可降朝散郎降授承議郎知常州朱彥
可降奉議郎

款李昭玘等上詞同前未皇寔備即用嚴姦薄黜一官少安衆議勉
加三省以體寬恩可依前件差遣依舊

張舜民落待制知同州制

初國有邇臣民所視儆自貽厥咎罰其可逃具官張舜民元祐之初

明姦害政中雖薄責尚奇藩條肆朕續國棄瑕錄用志存黨附老不
革心荐致人言理難矜貸姑從褫職以警官邪徃服寬息其務猶首
可落龍圖閣待制依前朝奉大夫知同州

承讀即充寶文閣待制劉安世降充集賢殿修撰依舊知潞
州朝奉大夫寶文閣待制呂希純降充集賢殿修撰依舊知

穎州

勅朕臨御之初湔洗蕩滌嘉與士大夫更始以底和平故雖得罪先
朝志加甄序責以爵秩一切勿問非敢忘紹述之政也而言者以安世
希純附會用事轉甚衆人真之從班有害好惡褫延閣之近職仍
書殿之隆名尚禮深息益思忠報可

豐稷責授海州團練睦州安置制

勅直道而行古人所貴因心則友朕豈敢忘既審核於鉅姦宣布昭於

明憲朝散大夫新差知常州豐稷欺愚而干譽飾詐以盜名外示
靜恬中懷險詖被遇神考荐為臺閣之華受知泰陵屢除侍從之要
在汝何負於時極榮俄緣汲引之私息乃肆傾邪之橫議初諫垣之
進擢忽奏牘之上聞妄託說於元豐皆借於紹聖謂不為容悅逢
君之惡為不懷觀望陰害忠良謂不以散色為常事以醉上心請不以
淫巧為末務以蕩上意至論黜臣之過尤加徃政之愆遂謂顛倒是
非變亂名寔拔擢群小毒流四方慘刻陰邪感動天變公為指斥巧
致媚諛朋誣滋蠹政之基鄉原實憲德之賊姑從薄責例假遠麾惟
罪惡之貫盈忽封章之交至咎將誰執戚寔自貽徃副州團無忌內
訟可特責授海州團練副使睦州安置

張舜民責授楚州團練高州安置制

勅同上詞朝奉大夫新差知郢州張舜民姦邪飾智激訐釣名承泰惡

而不誅典加函貸元祐幸其有變遂肆誕謾領袖庶頑羽翼群枉熙
寧立政凡更張皆見於厚誣紹聖黜幽謂畢竟不知其何罪欺惑愚
衆諂附貴權已而接武於禁林宜爾秉心於中道乃剡奏牘深包禍
心輕嚴父之孝思託言念祖銜鍊石之邪說無路補天言皆險膚志
在指斥姑從薄責俾假遠麾惟罪惡之貫盈忽封章之交至咎將誰
執戚寔自貽往副州團無忘內訟可特授楚州團練副使商州安置

鄒浩重行黜責御筆

崇寧元年閏六月二十日

朕仰惟哲宗皇帝嚴恭寅畏克勤祇德元符之末是生越王姦人造
言謂非后出比閱臣僚舊疏適見椒房訴章載加考詳咸有顯證是
時兩宮親臨撫視嬪御執事在旁何緣外人得入宮禁殺母取子寔
為不根朕為人之弟繼體承祧豈使沽名之賊臣重害友恭之大義
詆誣欺罔罪莫大焉其鄒浩可重行黜責以戒為臣之不忠者而稱

朕昭顯前人之意如敢有言及者亦仰依此施行

鄒浩衡州別駕永州安置制

崇寧元年閏六月二十日

仰惟哲宗皇帝嚴恭寅畏克勤祇德元符之末是生越王姦人造言
謂非后出比閱臣僚舊疏適見椒房訴章載加考詳咸有顯證是時
兩宮親臨撫視嬪御執事在旁何緣外人得入宮禁殺母取子實為
不根弗示憲章曷昭公議通直郎充寶文閣待制新差越州鄒浩內
懷誕誕靡究是非借論古今肆行詆毀有必誅不赦之罪無改過自
新之心比因匪人引作姦黨固欲于流俗之譽意在重泰陵之非朕
為人弟繼體承祧豈使沽名之賊臣重害友恭之大義罔上之惡已
不容誅聊從竄投用示寬貸不特稱朕昭顯前人之意而人以戎為
臣之不忠徃務省循毋增後悔可特責授衡州別駕永州安置

宋朝大詔令集卷第二百十一

宋史大詔令集卷第二百十二
政事六十五
敗責十

不辨帝示意章昌公始直而亦費又閣有傳法差缺所隱亦內
西宮縣尉謝縣尉謝縣尉事其案何縣人入宮禁禁其母項七寶
歸非白小力國主為謝縣尉事其案何縣人入宮禁禁其母項七寶
明皇朝皇帝前意者曾身衣時亦謝縣尉事其案何縣人入宮禁禁其母項七寶
類胡歸債入之意以始育言又昔有物亦謝縣尉事其案何縣人入宮禁禁其母項七寶

宋朝大詔令集卷第二百十二

政事六十五

敗責十

李清臣追貶安遠軍節度副使制 崇寧元年閏六月士子

勅明罰慎刑宜惟先烈繼志述事粵在朕躬既辨厚誣宜申常憲雖
失幸生之罔用誅既死之姦故資政殿大學士右允祿大夫李清臣
懷狠愎之資扶傾邪之志誦附權要包藏禍機旋還貳於近司遂肆
馳於大憲被遇永泰得罪是容幸災元符乘釁而作欲逞怨憑不滿
之志適會艱難未濟之時黃緣黜臣醜詆徃政謂皆忤忍殺伐之事
用為輔導開迪之端受禍者一千餘家餓死者數十萬計斬頸拔舌
釘足剥膚如其所陳知乃非道在當特固未嘗有雖路人亦不忍聞
妄恣誕謾恬無忌憚為臣如是省已若何鬼得而誅不亡矣待人言

可畏雖蓋益彰按劾孔昭廢黜已晚尚其未泯庶或有慚可特追貶
安遠軍節度副使

朱彥降兩官常州制

勅恥過作非豈惟惡德原心定罪厥有常刑朝散郎試給事中朱彥
權自庶僚延登二省將直諫忠純之是望豈蔽蒙欺罔之可為常委
任於膠庠輒薦揚於凶寇若曰器運高遠論議正堅亦既失言當思
引慝方衆人之紛若顧小己之謂何默不自陳幸於苟免封章交至
考驗不誣身為從官行比聾俗是可忍也於汝安乎薄黜兩官尚守
十里其思徃咎以體寬恩可降兩官知常州

江公望落職制

敕承議郎直秘閣新差權發遣壽州江公望祕閣之真寵待英材苟
非其人莫稱優選以通媒身諫列承意權臣潛懷賣直之名殊無愛

君之義趣探如此與議難逃褫職典藩尚為寬假徃思惕慎服我訓
詞可落直秘閣依前官左遣如故

陳次升落職知蔡州制

勅死黨背公論所局弃朋姦醜正罪不容誅既按驗於官邪宜申嚴
於邦憲朝奉大夫降充集賢殿修撰知穎昌府陳次升卑污鮮恥險
佞苟容曾微有犯無隱之直誠徒恃既得患失之私計冠勇冠於永
裕之盛際靡務建明持使節於元豐之末年專為阿附誣竊先烈媚
悅群凶旋感悟於秦陵肆投竄於南國朕未忍終廢將期自新就擢
南床旋登右省陰圖城社狐鼠之利密切門墻膺犬之能交結貴權
順承風旨肆形章奏倂見肺肝皆操兩可之謀妄覬萬分之幸雖從
薄責未厭師言罪惡貫盈封章踵至其鑄要職徃守偏州思蓋前愆
無重後悔可落集賢殿修撰依前官知蔡州

葉祖洽降授集賢殿修撰提舉冲祐觀制

崇寧元年七月乙酉

勅忠以事君亶惟近厚過則稱已庸詎飾非苟肆嚶嚶進取之狂而忘業業小心之慎談何容易孽豈可違朝請大夫充寶文閣待制新差知定州葉祖洽還擢天官出分閫寄顧內外之任雖異然文武之用靡殊曾是不思遽茲妄發名老成而誇大託正統以怒張縱能辨罪以明非猶責安時而處順大言則望大利况有道之不容公事而為公言奚留中之敢請辭皆躁忿位罔靖共更援弼臣之薦論將要人主之宣問自貽伊感夫復何求徃典祠宮尚班書殿其思循省以體寬矜可降授集賢殿修撰提舉冲祐觀

張未散官黃州安置制

勅欺愚惑眾罪不容誅敗俗亂常刑茲無赦自昔害熙豐之政事至今稱軼轍之姦雄爾賴以進身利其為地因狐越而誦附肆烏合以

脅從固未嘗受業於門墻夫安得託名於弟子朕初臨御時屬艱難由群枉潛萌於詭謀謂二凶必至於大用煽揚孽敵蕪穢正途陰通拳拳之誠力結頰頰之黨私相尊大誕取詆誣於其喪亡遽取號慟妄意青壇之舊言旋黃闥之華偃蹇怙終虛驕稱譽借曰有師之道猶為無服之喪豈有在位長民職當宣化朝衣紫綬晝衣白衣蔑視楮紳傳吁考以人情而非當稽諸古訓而不經動搖喜異之凡民歛豔背公之醜類其謗訕先烈曾不知朝廷之可尊而扶持邪心反偽指師資之宜敬嗟無父無君而已甚願不仁不義以云何按驗既明竄殛斯允姑仍散秩俾處遐邦徃體寬恩益思前咎

韓忠彥落職依前光祿大夫知大名府制崇寧元年五月甲子

救廊廟宗工義當體國或內懷私意以變亂典刑旁任姦人以傾搖政事未加顯責莫厭師言觀文殿大學士左光祿大夫知大名府韓

忠彥頃自先朝擢為高位嘗以元祐之黨得罪奉陵朕於嗣位之初復加柄用固且一德以稱倚毗廼終聽邪謀互持偏見凡厥舊政務為紛更朕姑欲含容退之以禮而言者論列至示丹三刑職要班聊示懲創往復寬宥益自省循可

韓忠彥降授正議大夫提舉西京崇福宮制崇寧元年九月丁酉

敕朕承祧而弟及續服以君臨永泰上賓具存謨訓長秋正位曲盡禮經彼締交合黨以何心皆樂禍幸災而妄作追懷往烈用厚群倫具官韓忠彥世受異恩身為上宰嗟先朝之奚負肆悖德之敢為敢塗尚新陵土未復輒借資於外議將謀廢於中宮面具陳奏恬無忌憚生而臣主沒則寇讎乃使有志名教之徒而形不保妻子之嘆是可忍也人其謂何發政施仁猶恤孤之是急繼志述事豈同父而可忘徐思其言重惻朕志宜申明罰用慰在天尚示寬矜其加省循可特

授右正議大夫提舉西京崇福宮

曾布中大夫司農卿分司南京依舊太平州居住制上

勅朕承祧而弟及續服以君臨永泰上賓當畫始終之義長秋正位孰為興廢之謀彼締交合黨以何心皆樂禍幸災而妄作追懷往烈用厚群倫具官曾布昔位元樞機專大政適會垂簾於東殿誠求奏事於獨班詭秘莫聞傾邪罔測嗟先朝之奚負肆悖德之敢為敢塗尚新陵土未復輒借資於外議將謀廢於中宮面具陳奏恬無忌憚生而臣主沒則寇讎乃使有志名教之徒而形不保妻子之嘆是可忍也人其謂何發政施仁猶恤孤之是急繼志述事豈同父之可忘徐思其言重惻朕志宜申明罰用慰在天尚示寬矜其加省循可特授中大夫司農卿分司南京依舊太平州居住

故資政殿學士左正議大夫黃履追貶祁州團練副使故追

貶武安軍節度副使李清臣特追貶雷州司戶參軍制

勅上詞同上黃履召自近藩還躋右轄李清臣召自外藩擢貳東省

意詳延於舊輔當歸報於先朝下詞同上人言荐興朕志難處宜伸

明罰用慰在天雖汝云亡安能知愧與眾共弃庶可戢姦可

韓忠彥降授太中大夫依舊提調西京崇福宮懷州居住制

十月 乙亥

勅名隸謫籍無引咎之心者不赦言誤朝聽有欺君之心者必誅左

正議大夫提舉西京嵩山崇福宮韓忠彥頃在元符入持大柄方時

多故棄朕不言輒有狂生敢陳邪說妄謂竊人之子力成不道之謀欲

經廢於中宮仍厚誣於先帝當從逐斥爾預進呈願公牘之且存乃

朕躬之親察抗章自辨罔上何多矧言者以爾不孝不忠不仁不義

蕙茲眾慝寔駭予聞是且貶杖之刑以懲迷國之恥往加惕厲服

我寬恩可

韓忠彥責散官濟州安置制十二月 於丑

朕惟河湟故壤外制氏羗神考眷謀常命經理紹聖繼志克成厥功

而蠹政害能之臣為蹙國資寇之計幅負千里舉而弃之卹將覆軍

禍逮生齒興言及此彌以盡然黷害先猷朕不敢赦降大中大夫提

舉西京嵩山崇福宮韓忠彥憑籍世資冒至宰輔本懷異意終不革

心濟惡朋姦無所忌悻廢徹竟土誅戮將臣快彼敵情沮我士氣彈

章沓至稽驗咸實徃副戎節處於濟南茲為寬恩其務循省可特責

授宗信軍節度副使濟州安置

蔣之奇落職制

城于湟中先朝勇智之舉也戍而守知保以萬世弃於無故其情謂

何用懲愆以儆在位觀文殿學士左正議大夫知杭州蔣之奇蔽自朕

志權之本兵資其謀謨贊我紹述而乃雷同姦書感割竟土覆軍
郵將禍遠生齒鎧甲繕粟一資於寇彈章交上請重厥責尚以舊
德久於樞近聊褫爾職仍為大州往哉省循欽我寬貸可落觀文殿
學士特授依前右正職大夫差遣如故

韓忠彥降磁州團練制

崇寧元年

邈川西塞中國舊封神考經理于前永泰恢復於後墉壑完固種族
歸懷控扼要衝屏翰牧圉責授崇信軍節度副使濟州安置韓忠彥
朕初嗣服姦黨擅朝及據宰司獲伸私憤荐興弃地之策卒成感國
之謀迭和異詞指為難守委板築金湯之利捐轉輸芻粟之資貽惠
近邊沮壞先烈靡存愛國苟欲毀成肆朕載績武功申飭疆事羌豪
踵附故地復還追數昔愆益知誕罔考諸公論聊舉憲章往副兵團
尚安故處服我寬典益務省循可特責授磁州團練副使依舊濟州

安置

曾布責授武泰軍節度副使衡州安置制

崇寧元年一月癸巳

勅因上之姦法所不赦治天之罪義無可容降授中大夫守司農卿
分司南京太平州居住曾布頃被國恩嘗居相位專權自恣贖貨無
厭交通近習之私顯有開邪之迹公行間遺密達語言捨他人之田
以矯報親恩請有識之地以自圖已福雖云劾奏寔駭予聞既收可
用之才輒薦逆謀之首逮茲獄具曾不自陳遽寬假於衆人務覆藏
於私慝至東朝奏事力請獨班俾衆莫聞厥心安在啓後世難防之
弊墮本朝有定之規罪不勝誅刑其可緩姑貶從於散秩用投置於
遐州徃務省循無重尤悔

元符姦黨通入元祐籍刻石詔

崇寧三年六月十七日

朕嗣位之始恭默未言徃歲姦朋復相汲引倡導邪說寔繁有徒或

據要路而務變更或上封章而肆詆毀同惡相濟非止一端推原其
心豈勝諸姪比詔編類具列姓名乃下從班博盡衆議仍為三等各
各竭所聞庶幾僉同罔有漏失惟邪慝之復起蓋源流而相承迹其從
來本於元祐得罪宗廟寧分等差志務親畫通為一籍載刊諸石寔
在朝堂為臣不忠附見于末所麗雖異其罪惟均朕方以仁愛徧覆
天下前既譴罰弗忍再行亦有可矜出於籍外自時厥後已定不渝
群聽式字母復輒論其元符姦黨並通入元祐籍更不分三等應係
籍姦黨已責降人並依舊令來入籍人數外餘並出籍今後臣僚更
不得彈劾奏陳故茲詔示想宜知悉

蔡京降太子少保制

大觀四年五月二十六日

門下政事所寄尤嚴誤國之誅人臣之姦莫重欺君之罪我有常憲
揚于大廷具官蔡京頃以時才荐膺柄任兩冠台衡之峻三登公衮

之崇庶圖爾庸以弼予治而總東衆務出入八年事寔系于復來謀
志違于初議擅作威福妄興事功輕爵祿以市私恩濫錫予以蠹邦
用借恩威密布要途援引凶邪合成死黨以至假吏民以決興化之
水託祝聖以飾臨平之山豈曰懷忠殆將邀福屢有告陳之迹每連
狂悖之嫌雖僅上於印章猶久留於里第偃蹇弗遜傲睨固悛致帝
意之未孚垂星文而示譴言章繼上公議靡容固欲用恩難以屈法
宜褫師臣之秩徃叅宮保之官姑慰群情尚為寬典於戲天事尚象
明罰所以弭災人道惡刑省躬所以引咎徃欽善貸無重後愆可降
授太子少保致仕依前楚國公在外任便居住仍放謝辭

張商英崇信節度副使衡州安置制

政和九年十月辛亥

巨姦宿蠹僅正於邦刑隱慝餘辜彌喧於朝論宜申後罰誕告方多
降授太中大夫知鄧州張商英學與道違性惟邪合專挾謀身之利

本無經世之圖惟飾詐以干民屢來時而蹈悔朕既收拭用之不疑靡間純一之誠規壞遵揚之政肆其異意俄抵譴訶曾固念於愆尤反自貽於鞠治有司閱寔證驗孔昭披獄辭之所云見罪狀之尤著致位公相交伎術之冗流服儒衣冠為市井之污行初召還於魏闕已密藉於游談黃緣倖求遂亞率路每遣朋淫之小配公傳汲引之陰謀宣猷近班力斬其事或謂奔趨之幽黨可副事樞或謂險詖之姦人當任言責凡詆誣宗廟之群枉與變亂是非之庶頑潛輸腹心廣布肘腋失端揆經綸之體孤父兄拔擢之恩當其負釁之彰聞猶復包羞而締構抗疏待罪仍自尊於留章冒利貪榮尚求全於祕殿鮮耻不廉之若此交通無已之謂何朕方訓軟官邪敦勵名節豈謂姦克之孽敗於輔弼之間截觀爾為良用愧歎出假麾符之寄姑欲有容自干斧鉞之誅其將奚懟亦副戎節真彼衡陽上以慰裕陵哲

廟在天之靈下以據忠臣義士嫉惡之憤昭示一時之典以垂萬世之規可特責授崇信軍節度副使衡州安置

郭天信責授安置制

同上

責授昭化軍節度副使單州安置郭天信劾姦議獄已灼見於正愆論罪致刑宜荐申於嚴憲爾以閭閻冗賤之品污階墀近密之班既倚勢以作威輒冒榮而逞志不安分守深蓄禍機妄力引於兇渠謂宜居於廊廟締交合黨協濟邪謀公肆面謾有輕視君父之意竊持威柄有愚弄朝廷之心以至陷害忠良僥倖恩命說情誕說惟屢薦於邪朋公府近聯親自躋於政地凡於疎斥必欲闕

鄧洵仁落職宮觀制

政和三年三月戊戌

崇黨蔽朝為臣之大戒原情定罪有國之通規儻未厭于師言宜申知於明罰資政殿學士通奉大夫新差知亳州鄧洵仁奮繇冗散驟

歷通嚴弗思盡瘁以事君徒務懷讓而封已交通近習潛布腹心朋
附充渠共為肘腋鼓倡險膚之論頌搖紹述之方頃灼見於姦回尚
曲全於體貌靡知悔過乃復怙終清議既虧彈章荐至惟爾自絕于
衆雖朕必得而私鑄秘殿之華資辭准塢之重鎮往司直館益體寬
息可落資政殿學士特授依前通議大夫提舉亳州明道宮

趙全降朝請大夫制

朝議大夫直龍圖閣權發遣陝府西路計轉運副使公事趙全闕
中富饒號稱陸海為九州膏腴方朝廷休兵務農糧餉不煩而經常
之費猶復不充計臣若爾朕何賴焉姑視一官尚思來効可特投朝
請大夫依前職差遣如故

張商英責汝州團練副使制

政和元年六月庚戌
感路馬之芻罪猶不赦鬻邦侯之獄心豈無他稍舉彝章用懲隱慝

責授崇信軍節度副使張商英頃除黨籍透踐台司每昌肆於大言
欲必行其克志陰交近習共罔耿躬致使狂童敢為謗讟假設問答
妄陳古今將攄發於恣情遂著形於指斥遽付令鞠治輒諷遣覆藏
既許贖論且姑輕此務蒞來於詆毀因痛坐其告陳詭謀若斯雅意
安在豈徒誤國是欲欺天噫蝼蟻何如尚謹事君之事股肱同體反
親犯上之仇孤負厚恩背違常理雖屢頒於貸詔終弗協於輿情姑
貳州團練仍安里第庶幾默愧無重後愆可特責授汝州團練副使
故李孝爾追貶中奉大夫制

居下誣上在所誅夷背公徇私出於觀望昭爾用中之典少懲既死
之姦故通議大夫試刑部尚書致仕贈光祿大夫李孝爾面有柔顏
曾無點墨每竇側媚因肆中傷遂寢竊於要官寧尚知於清議昭緣
衆配敢縱厚誣乃侍攸司庶躬厥寔而密依輔弼蔑視朝廷至撓變

於事情以阿承於風旨猥成濶略務在招來反挫辱其告家使蹈羅
乎冤網人皆扼腕事可寒心噫朕德雖涼於汝何員汝謀固忍借主
為資卿從削奪之科永作險邪之戒儻其未泯猶或能慙可特追授
中奉大夫如故

蔡巖落職知滁州制

朕追述先志申誠有官小大群司務遵職守惟時法從敢有弗欽其
正典刑以儆在服翰林學士朝散大夫知制誥修國史充議禮局詳
議官蔡巖擢從項闡進陟鑿坡所當靖共以稱榮遇比復賜格爾曷
與焉而乃宣言其非謂不可久妄議政事達於予聞為臣若斯職守
安在宜罷禁林之直俾分滁永之符徃體寬矜毋忘循省可特落翰
林學士知制誥授依前官知滁州

走馬不職澄汰御筆

耳目之寄寔司按察民生之利病法令之廢舉吏治之清污能否凡
群邑之政皆得驛聞而上達任之不為不重右職之與選者延見臨
遣體均使華且許季奏賜對便殿過之不為不至邇來一二臣外餘
皆貪嗜賄賂與郡邑為交私憚大吏苦細民凡所巡按類不舉職而
較計饋送取買上產誦事權要欺侮屬郡或懦怯畏避首鼠兩端反為
州郡所制身為使臣經涉歲月略無建明春秋季秦廼毛舉無益之務
已行之令用為籍于是豈設官之意哉諸路走馬承受除庸懦不職
已行澄汰外其各務首公滅私清白自勵激昂自奮以稱任使毋或
蹈前人之失貪污誣偽噤默不言褫降黜罰將不汝赦

陳彥文先次勒停御筆

政和六年三月十四日

陳彥文躡進華資付以方面不惟選任之艱益騁凶邪之暴傲狠自
若不循軌法訪聞初到本部即將升朝武臣緣私挾泊至帥府凌

轅屬官無復禮貌庭趨案覆小帽窄衫舉止輕肆吏民忿疾怨讟沸騰歸順蕃官略不撫察失其驩心致使相率逃背用兵討伐一方騷然然彥文所致幾有五季跋扈之權為患莫此為甚可特先次勒停令蓋洗并走馬承受疾速契勘限十日具案奏聞

宋朝大詔令集卷第二百十二



